

廣平府志

ル 5  
1572  
9



1572  
9

重修廣平府志卷十九

水利略上

渠閘

閘規

漢安帝元初二年二月辛酉詔趙國修理舊渠通利水

道以漑公私田疇

後漢書

唐咸亨四年李仁綽開利物渠自滏陽下入成安并取

天平水以漑田

唐書地理志

宋天聖四年王公言相魏磁洺之田竝漳水者斥鹵不

可耕請河北漕司規度

玉海

元中統三年世祖召見郭守敬面陳水利六事其四言

磁州東北滏漳二水合流處引水由滏陽邯鄲洺州永



年下經雞澤合入澧河可灌田三千餘頃世祖歎賞授

提舉諸路河渠元史列傳

三年八月河渠司王允中請開邢洛等處漳滏澧河達

泉案寰宇記龍岡縣有達活水當卽此以溉民田從之元史本紀

至元五年十月洛磁路言洛州城中井泉鹹苦民食用

多作疾請疏滌舊渠置壩牖引滏水分灌洛州城濠以

濟民用元史河渠志

明成化間李進知廣平府於城東南滏河隄畔建閘二

座東西開渠一道南北開副渠六道引水灌田畿輔水利議

嘉靖三年春正月命成安開水利引漳水灌田成安志

嘉靖中高汝行知廣平府於滏陽所經建惠民八閘以

資灌溉沿河州縣民皆富饒秔稻之盛甲於他郡畿輔水利叢書

利叢書

萬曆三十年保定巡撫汪應蛟言滏水可溉襄國宜設

壩建閘通渠築隄高者自灌下則車汲用南方水田法

報可永年舊志

國朝雍正四年設水利營田四局京南一局兼正定順德

廣平三郡之地西帶重巒源泉竝注而交流畢會於大

泊所謂形如聚扇而滹滏二河爲之外幹也民於其閒

壅流藝稻無煩導課而建閘築岸具有條理廣順之閒

增田至三萬八千七百三十八畝有奇 水利營田圖說

渠閘

永年縣

惠民閘在城西南十里閻村明嘉靖九年知府高汝行

建 縣舊志 西南各閘此最先建萬曆十六年知府蔣以忠

知縣張可久重修 縣新志 安陽崔銑記曰嘉靖戊子

蝗再歲矣明年己丑春大饑高侯再雩夏又雩不雨乃召父老謀曰今郡南溢水東流越直沽入於海郡北故有隄防其溢夫水決則害引則利聚則溢疏則平是在長吏今若閘閻村之隄可溉溝胡賈至陳義之污可達壑城東南之濠可潛則變災為利何如父老曰幸甚其僚同知張越通判張廷用張玠推官翟鏡承其志越五月庚午遂下令先溝事民大聚五日成閘隄下有荒田二十畝高侯又令曰此得水皆為腴田之役若一日予

一畝民家有三百願赴工一月閘成時以遞達以灌遂令十畝為址九十畝為井井設一長號以字表界以圖識遂業役者是秋廣平熟巡撫桐溪錢公巡按段公可其請廣民孚其施大夫士旅者偉其為於戲高子之政大矣哉高子字修古正德辛巳進士成安張潤身記略云高公謀諸同知平度張公越通判昌樂張公廷用南充張公玠推官洛陽翟公鏡皆出郊詣二十里東閻村之隄察其土脈形勝可以閘焉又度地勢由南胡賈村至北胡賈村凡七里池邇而東則陳義諸村可以溝焉轉而東南入城濠為壑庶幾無患也遂令先溝事約十里而通庶民子來不五日而功畢隄下荒田二十餘頃公曰此得水皆腴田也助役者予一畝投名者三百餘家乃檄照磨孫鐘典膳盧弼義官劉汝皋董其事期月而水達於田無滯做井田法十畝為址九十畝為一井井立一長外八址別以八卦二十字為號溝塗封給圖填號付助役之人為業既申請於巡撫錢公侍御段公咸允之復建亭三楹於閘之上建水神祠一間於隄之最高處築以周垣庀以雜卉經始於五月庚午落成于七月壬申凡工役材用悉取給於地而民不與焉額曰惠民閘斯役之名稱情也哉然繼其事以永惠吾民

者不無望於後賢 肥鄉張學顏記略云萬曆丙戌歲  
大祲丁亥旱愈甚閭村胡賈亦且無禾鄉官池守杜君  
與令王君相與謀曰吾鄉之田賴高公之闢民得致力  
於啟閉歲獲有秋不荒諸天者也茲歲久闢圯溝渠壅  
塞修之不在人乎乃白其事於郡守蔣公邑令張侯惟  
時方以民饑理賑事聞之喜庀材鳩工俾佃田之家以  
人力佐役徹其舊而新之不閱月告成澤流潺湲禾畝  
雲櫛民皆懽然相告欲立石紀功以勸來者問言於予  
竊謂天生五材民竝用之而水又天地自然之利也茲  
闢之永高公創之於前蔣公暨張侯修之於後使長民  
者其作用皆如是時不稱治世哉鄉人感德弗忘亦可  
以觀民心矣蔣公諱以忠號貞菴吳之常熟人張侯諱  
可久號心泉 河南鞏縣人

阜民闢在城西南八里田家堡明嘉靖四十三年知府

瞿晟建萬曆七年知縣馬翰如重修同上 邑人申佐

府城南田家堡池西前太守瞿公所建事在嘉靖庚申  
歲至萬曆戊寅夏霪水闢被大水衝齧邑侯馬公愍然

日見闢養稻四千畝有奇願忽然坐視耶明年春即親  
臨相度庀材鳩工戒程厘省以復民舊業經始於二月  
中旬告成於四月中旬既完公喜動顏色謂茲闢之建  
穡事其有成養育其有資吾政之馨幸一葺矣嗚呼傳  
所謂治民祇懼不敢荒甯者非公也耶是舉也匪惟庸  
以承厥思抑亦可以為任民社者勸矣公名翰如河南  
陳留人甲  
戊進士

潤民闢在城西南十一里王家莊明萬曆十六年知府

蔣以忠建建闢碑記 肥鄉張學顏記略云萬曆甲申

冬貞菴蔣公來守郡明年旱歲大饑公勸賑  
開倉餼郡人全活甚眾願公憂匪懈思所以利民甚至  
循行阡陌至城西南王家莊永年封域也地斥鹵民難  
自力公相視地形則滏水南來縈紆隄畔呼里人訟曰  
為若建闢疏水北流資灌溉可乎里人且喜且叩曰公  
憐我敢不盡力趨役乃上其事撫按皆報可公捐俸金  
若干委陰陽官路文源庀材鳩工永年縣典史唐應秀  
督之始於是夏五再越月告成不費公不勞民不需以  
歲月建闢凡二以時啟閉轉斥鹵為沃壤嘉名用彰厥

惟潤民民大悅思表公績則要余為之記以垂不朽公  
諱以忠字子孝貞菴其別號也蘇州府常熟縣人隆慶  
戊辰進士貳守張君諱維翰別駕  
王君諱執法推官王君諱遵訓

濟民閘在城西南十三里西閘村明嘉靖四十一年知

府柳希玳推官楊沛建建閘碑記 邑人杜秉彝記略

徙奔命石南楊公時司理廣平議獄緩刑冀答天意循  
行阡陌見溢水東北築大隄隄下鱗鱗不毛地以萬計  
集父老曰水之利大開之惠溥是可開以濟若父老曰  
惟命遂請於巡撫近淮董公巡按毅齋楊公兵備見吾  
陳公皆報可捐俸五十金助費適郡伯釜山柳公以代  
至出粟六百斛以給不逮命陰陽官杜秉倫相地度址  
確石鳩工庶民子來河隄建閘表曰濟民隄口重建以  
防不虞渠開自西閘村由馬道固營達大小張村十餘  
里溝分四十有六灌田九千六百九十畝有奇工肇於  
是年之夏四月未閱月而告成中墾荒田二百四十畝  
以贍兩學二十畝以贍社學二十畝以贍義塚立老人  
總甲以時啟閉勤牛耕督農蒔謙鹵悉化一望秧苗見

者謂為小江南轉徙如宋大柱王佐輩因而復業者百  
餘家仍於右路濬大溝直抵洛河越四十里以洩餘水  
生民不覺其為勞亦不知其有懋之災矣君子曰自用  
者忌有我者憇憇則畏憚而不敢忌則激亢而不樂人  
為是舉也石南敢為釜山樂人為  
於愛民之仁見和衷之義故記之

案通志舊志縣志皆以王家莊為濟民閘西閘村為

潤民閘今據碑記改正

廣濟閘在城西南十三里西閘村濟民閘東百餘步明

崇禎十四年知縣郝綱建通志參碑記 邑人申佳允

公做西門豹遺意始創利民閘城南攸賴嘉靖間高公  
斟酌水利由大慈村鑿隄砌石引水灌護駕等村分浚  
溝洫教民秧稻萬姓便之後來建閘六道李公實開始  
焉七閘之一曰濟民地界西閘村隄上創於嘉靖四十  
一年之秋蓋倡自司理石南楊公云至乙丑之秋再修  
之則適菴李公襄厥事耳崇禎十三年歲大饑西閘村

隄居民李聯芳擬於濟民間之東百步許另議建閘一  
閘迺於三月初九請啟隄土紅幣金錢重加獎犒眾心  
咸奮按畝趨工杵聲震野風雨弗輟抵四月八日告竣  
錫嘉名曰廣濟落成之日土人索余一言載諸貞珉故  
之記

案以上五閘分灌十三村稻田每年供辦縣署米差  
一次永年新志祇載明代創建姓氏 本朝二百餘  
年豈無修葺略而不載者或以閘座朽壞民間自行  
整理官署無案可稽也

善惠閘在城西南十三里馬道固明嘉靖四十二年知  
縣朱泰建舊志

便民閘在城西南十五里大慈村萬曆十五年知府蔣

以忠建

同上

廣仁閘在城西南二十里賈葛村萬曆四十二年知府

張和中建

同上

案以上三閘所溉之田屢被洺水淤塞地勢高峻不  
能澆灌乾隆元年改爲旱田惟二八月澆灌麥苗用  
水啟閘

利民閘本名惠民閘在城東南五里夏家隄村明成化  
十二年知府李進建因元人舊迹建閘灌田之餘引水  
入城濠環植蒹葭菡萏邑人至今利賴二十三年知府  
王衡重修改今名萬曆二十八年署知府推官胡東漸

知縣耿鳴雷重修

國朝順治十三年知縣余維樞重修

舊志今引水灌城池

李進自記云距府南五里許有曰滏陽河其源出神  
麴山其味甘温引之可澆灌環城之田成化甲辰春進  
奉命來知府事越明年乙巳遇旱日夜焦思計無所出  
遂相河隄高厚處通一渠引水灌田以紓民憂不再月  
溝道通續用椿木輒石包砌臨河開口二座引水灌田  
田間東西開通總渠一道南北分開副渠六道副渠之  
間又各通小渠支分區別以便澆灌其澆灌之序每年  
二月初一日起至九月終止自東而西周而復始計所  
灌田總若干萬畝然慮無人時常看守及委官往來巡  
視提督未免豪強攬越水次愚民盜水灌田及日後閘  
口渠堰損壞無人修理水利廢弛遂以其事白於按治  
柱史柯公准令閘口僉設老人一名人夫三十名總渠  
設總甲一名副渠設小甲六名各緝徭役責令看守巡  
視仍專委官一人綜理其事由是巡守有人灌田有序  
修廢有託而水利可行也茲將建開始末永勒於石以  
紀歲月若夫隨宜增損使我民享無窮之利端有賴於

重修黃平府志

卷十九

水利略上

渠閘

七

後之愛民君子云宏治元年仲春記 王衡記略云余  
友曲沃李君時勉以甲辰三月由戶部郎中來知廣平  
遭亢旱循行阡陌田稼枯槁無可救者憂形於色於是  
謀諸寮察同知王君經通判葉君相劉君甯推官張君  
公玉迺相視城外巽隅五里滏陽河曲地勢高厚可引  
救焉相視莫逆斷然鳩工民皆樂從決渠北注閘而落  
之時其啟閉以蓄以障以受以洩支分東西灌田若干  
萬畝抱城鑿池導水環流種荷植柳芬芳蔭翳因名其  
閘曰惠民前此未嘗有也丁未三月時勉以外艱去王  
君以僉憲陞余與同知朝邑劉君讓代之思其人而美  
其績有餘慕焉若夫贊之未備灌之未均經界之不正  
人事之不齊凡可繼而行之以旣時勉已成之功者余  
將何辭初聞名曰惠民者時勉名之也謙詞也余復僭  
易之曰利民者何不曰民之所利而利之乎不言所利  
此時勉之所以為大也歟 邑人蓋國士記略云永年  
有滏河從郡之坤隅來時太守李公諱進者於郡之東  
南五里許建利民閘可灌田數百頃實為濱河數閘倡  
首民至今思之歲久河移石菑崩圯醜渠淤塞民不沾  
水利者幾二十載郡庠弟子員李一選等因旱魃為虐  
咸思疏濬復故閘乃請於司李胡公公時視郡篆即日



往視進諸父老曰今縣官仰給東南治水使者相望四出然猶沈璧馬費少府金錢數萬計卒鮮成績矧乘可因之勢收無窮之利今若等引皋陸之水以灌澤斥之區使石田為沃野奚不可者又請之邑侯耿公公亦如胡公言乃共捐俸貲辦甄石委邑簿段可學庀材鳩工甫越月闡功告竣引水入灌先功最而後次及豪強者無越踰焉向時沮洳沈斥者化為膏腴萑葦者易而菽麥民沾沐恩厚相與歌曰不有司李孰為之始不有邑侯孰為之籌又欲勒石垂久而徵言於不佞竊以為兩公乘可因之勢鼎不拔之功豈沾沾煦煦者之可比哉

城西諸閘之先臨濫陽河上就大隄決渠道水灌田七百餘畝有總渠副渠凡六道副渠之閒各有小渠支派井如又設老人渠長總甲小甲為約束啟閉以時運灌以次侵奪者有罰著為令歲或少雨民蒙其利歷年既久水齧址不治河亦改徙故道波濤突怒若建瓶而注隄上民舍暴潰環城皆瀦焉順治丙申余承乏茲邑載行隄上見故閘淤塞城以外涵泓停蓄水無所制會郡守許公講求水利相與鳩工治事用民力則按隄下需水地畝較上中下以分多寡用物力則簡舊閘甄石之

屬得其半以資贖約其費凡鄉紳士民之樂輸私錢之捐助得二百餘金徙舊址稍東表裏建閘開濬溝洫一準諸前法乃隨引水至城南與魁樓相映帶漲則閉之俾水循河故道負郭斥鹵悉成沃壤父老請誌諸石余曰噫唐盧遵云賢者之作必利於民反是罪也余冀前人創建之迹修廢舉墜求免罪云爾烏足以言功哉繼當斯職者因勢通變不靳疏濬培植之勞余跂足待之

安民閘在城東五里上馬頭村明嘉靖四十三年知府

柳希玘建本用灌城東稻田咸豐九年知府王啟曾因

利民閘淤淺改啟安民閘引水入城濠同治七年知縣

王德炳援利民閘之例酌減閘旁四村徭役令依時疏

濬勿使淤塞

縣新志 余有丁記略云廣平郡東南五里許多沮洳棄地民菱牧其中頻年大水漂廬舍民弗得甯於是廣平被水害視諸郡獨倍郡守柳侯至則視地形勢相機宜計之曰洩水灌田無如閘

者遂擇日興工旁築崇基重甃累石設層版爲水道開  
就水降土升不相溷由是棄地皆沃野矣役始於壬戌  
夏四月畢於六月報成僅閱百日安民開侯  
所自命云侯字子敬廬江縣人庚戌進士

便民閘在城東北五里借馬莊順治十九年縣舊志作十四年

知縣余維樞因舊址修建後廢乾隆九年知縣王玲重

開改藝粟麥民稱其利同久廢光緒十年村民重修引

灌旱田採訪冊 邑人葉騰鳳記略云永年東南距溢

不數武舊有便民小閘爲一方利賴漳水入溢  
溢流潰圯祇遺舊址邑侯余公巡行阡陌見而動念謂  
此閘復修不毛可爲沃壤諸紳士聞而德焉率鄉民葉  
正旺李君寵等以復閘請侯曰善鄉人按地出資鳩工  
聚材不閱月告成爰勒諸石以志不朽侯字慎旃婺源  
人

通水閘在城東北三里鳳凰口明嘉靖十一年知府李

騰霄建本以洩隄內稻田之水達牛尾河也後因閘外

地高於內水發或更倒灌遂廢

國朝雍正八年水利營田府遣官相度卽舊基營建高一

丈六尺寬二丈五尺長四丈砌以甃石外築月隄以護

閘口名曰惠民閘道光十六年知縣玉瓊復遷閘於黑

龍潭西後亦以閘外地高閉廢縣舊志參新志 邑令

城東之閘三南曰利民引水入濠卽以濠爲壑北曰便  
民以灌隄外田今久廢東曰安民在宏濟橋南數武水  
入閘口經馬頭分流官路兩旁以灌岸上之田餘水則  
流於西北其地遂藝稻而北郭地勢下居民病之遂廢  
康熙四十一年邑令于公有慶從民請復開用以灌田  
亦不復藝稻後磁州改屬廣郡啟閉旣時泉流斯普京  
南局營治上八閘稻田稻頗登田亦漸闢官民賴之乃  
度地至利民安民二閘見渠溝如故議復興水利慮北

關非受水之區既而升隄見鳳凰口廢閘舊基喜曰水可從此出矣規畫既定繪其圖而上之上可其請特發帑金遣官營建高一丈六尺寬二丈五尺長四丈砌以甃石外築月隄護閘口經始於雍正八年二月告竣於四月既望凡兩閱月各閘前後營田二百餘頃一時有小江南之目水出閘口流二里許達牛尾河經雞澤泊縣入

益民閘在城西南十四里新莊康熙四年建畿輔久通志

廢探訪册

案縣新志此閘當在潤民濟民二閘之間遺址今無可考

辛莊堡偏閘在村西久廢近堡河高地窪沼水漲發田禾淹沒地成鹹鹵光緒十七年村人依舊閘重修引水

灌田大有利益探訪册

洛河自同治十年修濬改歸故道沿河村莊皆獲灌溉之利講武茹佐太辛莊東西陳甫東西楊莊薛家莊豆家莊七級等村麥收尤豐水過淤留地更肥美鄉人以地能受水為佳探訪册

潤民溝起自西閘村由馬道固達大小張村十餘里舊有溝四十有六灌田九千六百餘畝建閘碑記

利民總渠舊接利民閘東西開總渠一道南北開副渠六道副渠之間又各通小渠縣志

曲周縣

東南閘在縣東南明崇禎間知縣喬明旃建

國朝嘉慶初知縣奚繼徽重修二十五年知縣劉澧增修

尋廢同治二年知縣王延桂重建引水入隍縣新志

宏濟閘在城北明嘉靖中知縣王友賢建今廢同上

七岔路閘在縣東北明嘉靖中知縣王友賢建今廢同上

趙兒寨閘明萬曆間知縣趙允昌修今廢同上

案縣志四閘之建在漳滏合流之時有趙兒寨閘及

東南閘以導滏水之入有宏濟閘七岔路閘以通滏

水之出分殺水勢且溉近城地畝為利甚溥後漳水

淤塞地高於河不能受水渠閘俱廢惟東南一閘導

水入隍藉資保障故屢經修濬而不廢焉

### 雞澤縣

利民閘在縣東邢家隄滏陽河西岸乾隆九年知縣李

世基建畿輔通志久淤廢光緒十八年知縣錢錫案重修

引滏水入興隆溝兩岸復開支溝灌溉民田餘水直

達城濠房冊

金龍閘在城西北導牛尾河通城濠康熙年間知縣管

繼武建乾隆十七年知縣王光燮重修縣志

青龍閘在城東北隅興隆河入城濠處乾隆十八年知

縣王光燮建縣志作十七年又文明閘在城東南隅文明河入

城濠處亦乾隆十八年建畿輔通志今俱廢縣志

七利閘在縣東沿文明興隆二河開子溝七道南四北三各立閘以蓄洩之以次而名乾隆十八年知縣王光

燮建畿輔通志

五靈閘在縣西南雙塔村南靈北靈引牛尾河水南靈中靈北靈引洛河水皆乾隆九年知縣李世基建今廢

同上

永和閘在縣西北大韓固村洛河東岸乾隆十四年建今廢

義利閘在縣西北小韓固村洛河西岸乾隆十二年建

今廢又有永順閘亦在小韓固村洛河東岸乾隆十六年建

獲利閘在縣西北沙陽村洛河西岸雍正十二年建今

廢俱同上

案舊志雞澤地勢窪下為眾流所匯田皆斥鹵溢河距城東十里許舊於舊城營開渠建閘引以通濠東南臺頭等四十村資其灌溉明嘉隆間漳水迸入頻溢為害天啟六年水大溢閘潰渠亦堙嘗議復舊制第河卑地高必更築橫閘攔蓄而下游平任之人惡分其利輒羣起爭之夫曲防有禁若溢之在雞止為

鄰封計而傍岸石田會不得沾涓滴偏枯之歎所不免矣縣西三里為牛尾河又西三里為洛河兩岸之雙塔沙陽橋等村均可置閘引水牛尾乃永年八閘通溢之下流勤挑築則無壅滯南和以往或秦越視之則尾閘塞而胸腹病矣仰其利弗卹其災平情者固不若此

邯鄲縣

柳林閘在城東三里柳林村跨溢河明萬厯中建

輔通

羅城頭閘在城東南五里跨溢河明萬厯中建

同上

蘇里閘在城東北二十里

縣册作二十五里

蘇里村跨溢河順

治初建

同上張箴河閘利弊說邯有三閘引溢水以

之方其弊有二一則溝渠不濬則上流既塞必難達於下流一則封洫不修則高地未澆必盡潴於低地且水流不利則必久延時日不克成功水澤不均則必紛起葛藤未能卒業數十年往往不能灌溉者職此之由二者之弊柳林閘為尤甚上閘所棄之水儼若江湖下閘未溉之田難邀涓滴以無多之水乘有限之期若復久延時日紛起葛藤其灌田亦僅矣是在賢令尹之督其修濬時其節宣耳按三閘之勢蘇里居北柳林居中羅城頭居南為最上順流東下可灌之地亦最多乃所灌者不惟不及柳林並不及蘇里東鄉張策一帶溝渠雖存從未得灌而附閘三五里如春廠等村亦往往不得灌溉弊孰甚焉

案邯鄲新舊縣志皆云不詳建閘所自始前明邑令惠民者為之今從通志查出時代建自何人仍無從

稽考又考永年志蘇里閘於順治年間因邯民攔河阻水永年縣令余維樞與邯鄲縣令會議毀之不知何時復築

磁州

西閘在州西十二里西槐樹村閘七孔金門各寬一丈二三尺深四丈六尺高九尺明萬曆十五年知州孫健初築石為堰連開疏渠二道中渠灌溉永旺等三十三村北渠灌溉曲溝等四村但山水暴漲常高於閘人無所施力衝決之患往往有之至二十二年知州劉安仁增立閘七孔又於閘之兩端設立絞椿用之啟版甚便

而暴漲始不能為害後十餘年知州牛維赤倣其意復鑿石以開南渠灌溉東槐樹等十三村三渠遂大為民利

國朝康熙二十一年水漲閘壞知州任塾重修康熙四十

四年閘東北崩頽二孔啟閉難施知州蔣擢重修

州志人張榕端重修西閘記略溢水之利磁人以東西二閘西閘據上流灌田獨廣以其束上流也亦易圯明萬曆十五年刺史孫公建之又七年劉公增立七孔又十餘年牛公增鑿南渠康熙二十一年秋水衝決閘幾壞刺史任公修之歷二十餘年客夏山水驟至壞閘二孔人心惶惶聞於刺史蔣公亟往視則有成竹曰是固余責也今春二月迺集紳士里民謀焉捐俸倡先後以捐金多寡令每村溝頭核其數凡經收支發維紳士任不旬日而工興矣享渠利者分三等日平水日屏水日餘水凡此浚底必深築基必堅條石整齊厚視舊五倍鋪版

平正開視舊三倍梅椿堅緻撥層密亦視舊有加築  
殺水壩不開月河規畫指掌督工總理則屬之州佐米  
公分督則任之吏目呂公更有生員魏允武書辦李秉  
信鄉耆張鵬章各有分任而公一再日至指授董率而  
遠近人各盡力矣二孔既完好於是臺墩加聳石堰加  
長其五孔亦重加整護其上流荒蘆蝕岸致河流斜注  
為開害者則斬剔以疏之下流則責成溝頭每年春仲  
按大小渠道循而濬之引漑而循次漸及強弱無爭是  
役也以二月始以五月竣重修與創始弗異矣里人謂  
不可無記以屬之余余謂興修之蹟可臚陳而屈指者  
開特其一耳然余讀舊記所云經始之難一人之任經  
久之難眾人之任又曰循而行之州人之福坐視而諉  
之非前人之咎誠以渠開之利創之者一舉而已踵而  
修之靡有紀極今則謀始觀成由計費以迄善後井然  
可法而一切夫匠物料價值數目釐然可得而書於以  
歎吾磁水利自公日闢亦自公可久貞珉之勒紀公德  
也亦以有便後人耳是為記

東閘在州東北二十五里琉璃村閘一孔金門寬深各

一丈八尺高一丈五尺明崇禎八年知州李為珩做西

閘之製造為東閘引水分渠灌溉閘南等二十村教民

種稻兼雜植蓮藕遂為一境之勝由是歲加修葺

州志

所蘊東閘記略溢河閘二道一建於郡西十里之槐樹  
村分南北二渠一建郡東北二十里之琉璃村是為新  
渠創起不紀何時迨我朝藩司蘇公首分巡溢上即  
興水利爰命官分治授以方略躬歷三渠於中淤塞者  
更鑿之壅陷者排滄之民安享樂利又溢北與直隸廣  
平府接壤溢水經其地每當雨暘時若之年源盛流長  
餘潤可及鄰國若乾封則溢人自漑不贍乙酉歲旱魃  
為虐郡承之人將漁鄰之利為利懇求廣順道以簡牘  
致蘇公求啟溢閘欲瀉溢水公以理應之謂此閘一啟  
恐溢人之苗稿拒弗許郡承人復懇之直隸撫按移文  
豫中兩臺以及公謬謂溢河發源於沁水且其境石碣  
所載有分水等語公曰吾不可干以私獨可懼以威乎  
隨檄溢郡守溯流窮源期以實報乃溢水則自郡西三  
十里黑龍洞中發源而沁水則出山西澤州境相去數



百里羣峯巉嶺即飛流濺泳亦不能相及果發源於沁沁之人豈不能為閘而磁且先邯永而涸矣況稽碣石所載云邯永兩縣之人計月分水竝無一字與滏陽干涉也公毅然秉直歷敘滏水源流閘渠始末以詳覆豫省兩臺兩臺咸直公如公文以復直隸使者邯永之爭遂息滏人得永食其利者皆公賜也後滏父老持廣順道參文求附碑末余閱文內云滏水由磁州遞及邯鄲永年此水勢也磁州之閘建於磁州之河昔日之建邯其放既不可轉云借亦難強誰不從地方起見肯以一勻與人至石碣所載計月分水永民能持此與邯鄲爭終不能與磁州爭也此俱文中之明白簡直可作邯鄲供案以來文處來事鐵案如山公以事不可不存諸石也考周禮民功曰庸書於太常今滏人獲永久之利息鄰境之爭者乃分巡河北道蘇公之力也據實鐫石使百世下稱功頌德之不衰

紅渠閘在州東北東城橋康熙四十七年知州蔣擢建

東西二閘之水常有餘而東每不足一遇旱暵則狼圪塔營等村之田即有龜拆之虞康熙四十七年知州蔣

擢准里民黃籃等呈請於紅渠上建閘一座閘南引水東流由廣濟橋而歸大渠之內灌漑狼圪塔村閘南村王家莊柳兒營徐家莊琉璃村吳家莊太平莊馬兒莊東城營郭家小屯村南豆公北豆公大營東城橋馬家莊張家莊郭家莊興盛小營杏園營二十一村之田又引水北流為俎家莊黃鼠二村澆灌旱地之用即雨暘不時而蓄洩有方諸村竝食其利

偏閘在州東東城橋北康熙四十一年知州蔣擢建

等村每遇陰雨連縣溢水汎溢則有淹沒之患一逢亢暘將咫尺自然之利聽其長洩入邯近地之民困累已久知州蔣擢建閘一座以資蓄洩引水分渠灌漑屯莊南北左良鄭家莊吳家莊五村民田復築隄一道以禦東南倒瀉之水由是五村得安始無旱澇之虞

接天輒慨然念曰奈何以有用之水置之無用之地於是創新渠濬故道所活無算而吳家莊等村父老相謂曰郡有神君我輩何不申請以求水利重興乎乃卜期糾眾控於公既許可復委之米公董其役未而三月而壞者已修壅者已通材良工堅務使一勞永逸凡此皆體我蔣公治水之成法愛民之真心而無所事者也從此北流活活五村咸慶安瀾南畝畝畝萬姓咸歌樂利於戲向非蔣公實心實政重田疇而切灌漑安能有是哉眾父老恩沾高厚欲報之德爰壽諸石以誌不朽云

馬公開在州西鑑上村乾隆十年知州馬長淑建

馬牧因州

境引溢水灌田僅及城之西南北三面城東地畝若雨澤愆期仍虞旱乾親臨察視於城西鑑上村南渠入護城河之水築壩遏之使向東流并將城南黃家橋村入護城河之水引使東流溝洫皆通足資灌漑復於城東北隅良橋南攔濠阻隄一道人被其澤名馬公開立有碑記

州志

五爪渠一名中渠在州西十里許支分五派一北流十

里折而東北流又二十里徑州城東北十二里之高輿村入溢河一東流十里徑州城西南隅入於城濠由東北隅入溢河一東流十二里徑州北之永濟橋又東四里入溢河一東流八里與前一支會達永濟一東流八里徑御射亭又東八里仍入溢河明洪武間知州包宗達於響水梁村引溢水開渠漑田種稻宣德間知州安理重修隆慶間內修石橋復開前渠導水北流橋成塞之不固每秋山水泛漲州北田禾淹沒官途淖滯萬歷六年知州趙範於州北二十里梁王橋疏渠一道長千三百餘丈東通溢河用洩其勢農旅便之

國朝康熙三十六年知州蔣擢重濬三十九年奉 巡撫

都憲李國亮飭興水利蔣擢復於五爪渠南北中三渠

鼓舞農民大加疏濬復審視地形於杏園等四村新開

渠二道又改修橙槽築隄以護杜村等四村泛溢從此

西北一帶樂利無窮

州志 張篋渠上竹枝詞渠分五

瓜自誰開包父前頭蔣後來響水

梁和槐樹里恩波濼折幾干回新渠決決潤如酥勝卻

天公為雨珠三十六渠春漲暖桃花流到總高與一村

有水一村春封開還須問老人爭

水近來無獄訟家家渠上采新蘋

北大渠在州北二十里首起州西槐樹屯五爪渠北岸

明萬曆十五年知州孫健開東北流分為南北二支亦

名曲溝皆東北流凡三十里徑梁王橋復合為一又東

北十里徑琉璃鎮入滏河

畿輔水道管見參州志 郝震男郡侯蔣公開渠碑記

略先是明崇禎七年以開北大渠之故剗永旺村地二

十餘畝以通其流當日永旺之分餘潤者原有支渠一

道以資灌溉嗣後塞此渠口不知始自曲溝等村何人

為之作俑專利至今以永旺之破地為渠而田畔渠流

不能稍分涓滴其可憫孰甚康熙四十一年三月永旺

民人控稟蔣父臺案下父臺以至公為心因親履其地

察其形勢洞晰情理遂赫然明斷令永旺作速開渠出

夫二名杜後爭也令永旺速具認狀公同鄉長持以正

也具甘結者并及曲溝等村防故智也立文卷者判有

結狀批勘計久遠也蔣父臺為公利之計一至於此幸

哉永旺亦得均沾千百年之水利於無窮也永旺村被

澤農民郝彩等求紀開渠之事於余余方幸亦在分潤

之中且喜且感忘其固陋之不足

以文也遂述其始末而為之記

南大渠在州西東槐樹村明萬曆四十年知州牛維赤

開東南流徑西槐樹村馬場溝凡二十里達州南五里

鋪折而北流徑偃月橋入滏河上同

東西二渠在州東北三十里明崇禎年間知州李為珩

開首起州東北二十五里之東開河東岸東流四里分

為二支南流曰南渠長十里北流曰北渠徑李莊營鄭

家莊凡三十里仍入滏河

國朝康熙年間知州蔣擢重修今為南西北三大渠上同

陳公渠在州東乾隆三十八年知州陳失名開陳牧以

負郭民田雖可引水灌漑而距城數十步之外滏河北

流兩岸高於河身者數尺河東不能引水灌田乃相度

地勢設法架木為槽傍橋跨於河上引西岸護城河水

支流達於東岸開渠厚水計灌田數頃由是州之水利

益廣人皆頌德立碑以州志

記名陳公渠

新開溝渠康熙年間知州蔣擢接大渠開濬小渠數十

道增築隄堰推廣水利南二里半鋪水溝一道自灣漳

里半雙碑口水溝一道自灣漳營東起至雙碑口止

長三里半五里鋪南水溝一道自灣漳營東起至雙碑口止

墳後起至五里鋪小橋止長三里南七里鋪李家莊

北水溝一道自李家莊北起至大路止長半里南十

里鋪郵亭北水溝一道自十里鋪起至六里鋪止長四

里接入路西溝內三里屯西水溝一道由王家莊魏

家莊常家莊之南至滏陽橋東小街止長六里良方

橋南渠一道由小侯召北入滏陽河長二里半朱家

莊東至龔家墳開渠一道因在中開河西名為中開河

渠康熙四十二年北開河又自龔家墳東北開渠一道

名為朱台莊渠亦稱北開河新渠由台家莊朱家莊龔

南起至十五里鋪五爪渠南入大路溝內長四里  
 里鋪郵亭前渠一道自小營店起由黃官營南至郵亭  
 止長五里慶澤新渠一道自十里鋪東北常家墳西  
 起至高與西止長五里十道自十里鋪西高與開水  
 渠一道自五爪渠東起至大路止長二里五爪渠西  
 新隄之北水溝一道自隄北起至十五里鋪止長三  
 里小光祿等村紅溝一道自小光祿東南起至梁王橋  
 止長七里小光祿北水溝一道自小光祿南起至梁王橋  
 紅溝止長一里半十五里鋪水溝一道自小光祿東  
 起至十五里鋪止長四里梁王橋往東大路起由開南  
 梁王橋起由杏園營東小琉璃南至下琉璃止長十二  
 里梁王橋新隄南往東水溝一道自廟前水溝一道自  
 村至滏陽河止長三里杜村龍王廟前水溝一道自  
 杜村南起至大溝止長三里杜村龍王廟前水溝一道自  
 村起由城基村北獨村張兒莊止長十四里屯莊等  
 村水溝一道自偏閘起由南左鄭家莊至屯莊西入  
 滏陽河止長八里半左良水溝一道自南左鳳凰渠  
 渠止長一里高與西新溝一道自北大路至鳳凰渠  
 長半里永旺村北水溝一道自北大路至李家墳前  
 止長二里六十步以上各溝渠自康熙三十六七至

重修廣平府志 卷十九 水利略上 渠開 三

四十四等年俱係知州蔣擢新開甘草營渠一道自  
 三里橋西接水西流至營後洩水入河長十里高與  
 村渠一道長百步以舊渠地勢低窪易致淤積改濬此  
 溝至平坦之處仍歸舊渠黃官營渠一道長二里接  
 引小營店東渠水由楊家樓東北流至十里郵亭大路  
 歸於水溝以上三渠皆係康熙四十七八兩年知州  
 蔣擢續開州志蔣擢開河村修渠碑記略磁地之  
 平行者半資河渠而河渠不經之處又有溝洫溝洫之  
 利必因時修濬壅者疏之缺者防之早蓄而澇洩全在  
 人力之經營欲為久遠之利不可不豫為之規也北關  
 外五里鋪南之迤東開河村居民開渠一道以備蓄洩  
 公舉管渠老人郭士珍郭茂澤總其事又議黃士欽等  
 十人助之每遇春時淤塞各按地認工協力挑濬具有  
 呈詞立案但恐日久弊生擬勒石以垂永久因闔村人  
 等之請為舉筆而書其略焉里人屯莊渠碑記略吾  
 州南左良營與屯莊壤地相錯左良灌地引水入屯莊  
 屯莊既不能當水之來又不能洩水之去於是田廬滄  
 沒禾稼污萊數年來沈竈產蛙力不能支因具控州刺  
 史蔣公公惻然念曰左良吾民也屯莊亦吾民也烏可  
 利於此而不利於彼乎乃歷畎畝履阡陌相泉源之勢

酌高下之宜築隄於吳家莊南左良以捍水復令屯莊民契買南左良地為渠以洩水又念屯莊貧瘠為之捐俸以給地價而南左良之私自決水灌地者公執法安斷批照森然自是屯莊去水之害受水之利其得以安於耕鑿而優游於衣食者皆公之賜也因感而刻諸石以永公之惠竝鐫其批照於後庶乎屯莊之與左良不相為害可以永息爭端云爾又左良營修渠碑記略磁東北四十里有吳家莊左良營等村曩接上流餘水鹵風雨調和猶得樹植一遇亢陽則土饑泛濫綠野化為白田兼之風猛沙厲灑落禾巔條就枯槁誰能懸河而潤鑿井而灌之哉幸際丁亥春左良營糾眾建橋賢守蔣公於課工之暇見偏閘出水溝忽驚喜曰是水也盍引而東即著鄉保度地開渠示以灌溉法不日工成汪洋滿目斯時春雨未足而夏麥秋花早見或或芄芄問猶有悲鹵謙歎流沙者乎較之家西膏壤肥田當不修偏閘而西疇益沃創開新渠而東畝亦豐改建石橋而掘載永藉狂瀾無虞士民豈敢忘所賜耶

張兒莊渠在州東北康熙年間知州蔣擢濬

州志擢創濬張

兒莊新渠記略磁境東北隅有村曰張兒莊北接邯鄲地勢窪下眾水匯歸每遇霖雨連旬廬舍田園多致淪沒其為患非一日矣案磁治形勝脈發鼓山龍從左落川北賀蘭諸岡實為後幃層層纏護送迎趨於東南故隨龍分落之水多歸東北是莊既為鎮水之星則其田即為流神之墓也丙子仲夏余承乏來磁道經其地目擊民艱惟時陰雨過多流波泛濫蓼花塞路土鏗蛙鳴慘目傷心蓋非大為疏濬不可救也居無何謀諸父老咸曰道路昏墊畚鍤難施水涸秋冬庶幾為便余惟是緩催科免徭役甦其須臾以待耳孰意久雨早寒亦未涸而冰堅益難動眾迄今春孟土膏雖發農事未興爰躬履其地而為之審高下察分合計遠近因其流而利導之自西而南歷東而北將開一渠以達於滏河之內僉謀已定而民多乏食羣請貸穀因念比年未登之內輸見年應賦之糧已不堪命況增此畚鍤以勞民乎於是案查無礙穀若干石申請各憲蒙憲臺李大中丞惻然動念惠澤宏加不惟賜穀亦且捐金諄諄諭惟是水患悉除慮周詳毋使民生滋擾擢凜道德教之

下益景覆載之仁於是父老子弟交相勸勉更相仗助不踰月而渠已成計深一尋闊倍之長四千三十步今者春餘夏始嫩綠連阡麥秀黍苗田疇盡闢乃不禁慨然曰嗟乎此百姓之福歟而實李大中丞之所裁成輔相以厚利斯民也謹撮其顛末而勒諸石以使斯民世世不忘公之德教云

開規

明萬厯年間邯鄲民陳國護於羅城頭柳林村建攔河

二閘壅水不下永年民趙邦彥陳其五害訟於官知府

劉芳譽會四縣同勘邯鄲令孟三遷謂宜毀尤力推官

胡東漸贊之閘遂毀芳譽去後二閘復建

縣志 永年民趙邦彥陳攔河五害其略一曰毀壞成田永年仰賴水利百餘年矣橫開設河水枯稻秧槁徧地鹵鹹縱有分水明文彼已雄據上流待經官辦理動出旬日而田已生煙矣一日衝沒良民橫開所澆不過數村而數村之中高者得

利卑者滄沒山水暴漲河閘不通汎湧四潰民盡為魚一曰留難國課畿內食鹽自運入滄經河間眞順廣上至磁州皆仰給一水滄河一閉而鹽船阻商因稅減南糧之運自青縣以下亦不得借此水之潤而漕受其害一曰虧損民用永年西山鑿出煤炭石灰及套之器一曰奪阜紅土等貨由舡載至曲雞等縣順眞河間等府咸取足焉開建工商坐困生民日用之需絀矣一曰傷害風水在昔河水滌洞地靈孕秀人文蔚起橫開建而人文大減於前仕宦多不達地有水猶人有氣脈豈有扼其吭絕其氣脈而其人不病且死者乎推官胡東漸牒府稱滄入邯出雞經數百里沿岸地俱高水不可上獨示治南數里地下鄰河河腰鑿孔即可洩水灌稻續建七閘雖啟閉不常而河流如故不惟不與邯爭且與水爭也邯人橫開上流積水直至岸上然後溢出又鑿小河至二三十里外灌漑旱田此與過類在山何異此閘起而兩邑聚訟於是均有均水調停之說然秧稻插稻安必盡在啟閉之內且阻商舡影指紳嘗過五橋諸堡村視河底乾裂即堪輿幻不可信而一郡榮衛脈絡可令立成川竭乎且利獲數村而害貽兩縣以兩縣害博數村利仁者不為況傷舟楫漂田廬不獨永人之議

當毀有五卽邯土人之謂當毀有三則今日之毀宜決矣若果地可偏開亦如永制不至絕河流以釀大害邯與永同一赤子也又何靳焉

順治初邯鄲民王聘之等建蘇里橫閘一座名為引水

護臨洺城永年民訟諸官知縣余維樞與邯鄲令會勘

毀之縣志知縣余維樞與邯鄲令會勘議曰邯鄲蘇

里開原因護臨洺城堡而起乃水不能達洺事竟中止開雖至今存僅為邯民灌溉之用耳茲據永邑紳衿公呈指陳利害甚晰蓋以河流橫截水不下注城濠將涸入閘稻田由此必廢萬口怨咨又邯民因閘開溝官隄湮沒無以禦西山暴潦郡城地處卑下恐一旦貽害不小由此論之橫閘與偏閘孰公孰私洺堡與郡城孰輕孰重斷斷乎宜毀此不待再計而可決者也以邯鄲分水

明萬厯間磁州民於州西槐樹村築石為閘崇禎間又

於州東琉璃村建閘是為東西二閘皆攔河阻水邯永地居下流不得分潤屢爭訟

國朝雍正二年磁人復於閻家淺建第三閘永邯之人更失其利適郡守張公廷勸因引

見條奏其事下兩省勘議復以事權不一

特允 怡賢親王奏以磁州改屬廣郡於是直隸總督李公衛

飭磁永邯曲雞五州縣會議將磁州之第三閘拆毀不

許復建其東西二閘仍循舊例以三月為始至八月終

為止定限十日輪流啟閉週而復始嗣 部議以三月

至八月正田禾長養成粒之時必十日始得灌注恐磁



永上下俱失水利且滏為商船往來貨抵天津通州等處之道西開至東開若必以十日始啟則商船坐守一旬均有未便應以五日為限其如何按日啟閉分漑之處行令該督詳查定議嗣又行五州縣公議以邯鄲界在磁永之間地勢頗高向例自八月二十三日以後至次年三月二十三日以前始閉閘蓄水澆地種麥若照磁閘之例五日啟閉則點水不能到地今議以初九十九二十九日每月開閘三日開日澈底盡啟以通商船至夜乃上板蓄水農民乃灌溉有資船戶亦應期而至實為兩得其平永年以下曲雞等處地勢低窪皆用兩

旁偏開放水并無攔河大閘向係民間自為啟閉應從

民便等因於雍正五年五月詳奉督院批准泐石河干

以垂永久邯鄲志 案永年志此事正定府童華大名

開板以蓄餘水與邯鄲志稍異張廷勳奏稱廣平府

地臨滏河舊建八閘以資灌溉而數千畝之田均受其

益自河南磁州據滏河上流築攔河三閘水不下行不

特鄰田受旱而商舡載貨由滏水以抵天津通州等處

常為三閘阻滯商民未便臣所深知伏乞 勅下即

令兩省巡撫會議或五日一放閘或七日一放閘在磁

州可以蓄水在廣平不至絕流則水利均平萬姓利賴

矣 和碩怡賢親王奏磁州改屬廣平疏其略曰臣奉

命與修水利查得滏陽一河發源於磁州神慶山

自邯鄲入永年歷曲周雞澤平鄉等縣元臣郭守敬會

言此河可灌田三千餘頃而明臣高汝行等知縣朱泰

等會建惠民等八閘以資灌溉沿河州縣民皆富饒杭

稻之利甲於諸郡近年以來水田漸改閘座所存無幾

少之時涓滴不下卽至水多之日亦壅閉甚堅必待經  
過商舡斂金買水乃肯開壩放行以致下流諸邑田土  
枯焦不沾勺水之潤因爭興訟累歲不休雖均水之斷  
案如山而各屬之抗違如故此廣郡水田之所以坐廢  
也查廣平舊志磁州成安縣屬廣平今成安現隸廣平  
則磁州本非豫屬明矣請將磁州改歸廣平則滏陽一  
河全由直隸統轄均水息爭同安樂利矣豫撫請以滑  
縣濬縣令屬河南以重漕運 部覆准行况磁州本係  
廣平所屬史有明文事非創舉臣仰體 皇上愛養  
民生一視同仁之至意爲此謹奏雍正四年十二月十  
六日奉 旨依議以後東  
西二閘啟閉均照 部議

同治十一年查勘滏河委員稟經 督院批准磁州三  
月閉閘九月放閘仍照原章一月六啟邯鄲改遲至十  
一月初五日閉羅城頭閘十日閉次閘又十日閉末閘  
至次年三月二十五日三閘盡啟遇旱報官通融啟閉

不得過十日各偏閘每十日准啟三日蓄水永年志

邯鄲磁州分水

順治年間永年胥吏以引水入城池爲名封閉八閘不

令灌田永年民訟於官知府許瑤禁之立石府治前縣志

乾隆年間永年大慈等村私開廢閘違例築壩四十四

年經下五閘控告斷令閉閘不許築壩同治初上三閘

復私開溝渠攔河阻水經十三村具控知縣錢敏斷令

上三閘灌溉麥田祇准三月內上下八閘通流分用餘

俱屬下五閘用水之期永遠不准築壩阻水縣志 廣

十三村澆灌稻田碑記略考滏陽一河發源於磁州神  
廬山自邯鄲入永年歷曲周平鄉等縣源遠流長味甘

而溫可灌田數千頃前明知府高汝行知縣朱泰等建  
 惠民等八閘挑挖溝渠培養稻田收水利而裕民食沿  
 河州縣民皆富饒杭稻之利永年甲於畿輔然上承邯  
 鄲橫插為梗萬歷年間知府劉芳譽會四縣同勘力主  
 毀閘磁州籍隸豫省壅澤上流雍正三年和碩怡親  
 王奏請以滑濬等縣易磁隸廣一時聖天子憂勤  
 賢宰執經度為之改易版圖籌畫蓄洩豈非為永年數  
 千畝稻田之故哉歷年既久上三閘廣仁普惠便民等  
 閘屢被洩水淤塞地勢高峻不能澆灌雍正十三年由  
 大慈等村稟請丁縣主案下不種稻田不辦米差情願  
 閉閘耕種旱地因而具結准閉雖有廢閘三道業已報  
 上永遠關閉不准私開至乾隆年間上數村私開廢閘  
 違例築壩乃於下五閘稻田收穫之後偷開用水灌漑  
 麥苗十三村不為已甚任其偶竊餘波不從深究後遂  
 變而加厲當稻田用水之時攔河打壩壅澤上流違禁  
 取利賣水分肥致令下五閘有水之稻田不能澆灌乾  
 隆四十四年經十三村南沿村舉人李燦西王莊生員  
 王勤輔等稟控西大慈等村違例霸水唐縣主批示西  
 大慈等村既係旱地不辦米差會經具結前縣將廣仁  
 等閘關閉立有案據陳五玉何得私開攔河築壩使有

水之田無水澆灌殊屬強霸滋事准傳訊究堂斷專以  
 稻田為主不許伊等築壩陳五玉親供嗣後再不打壩  
 情甘任罪仍令工房原差查伊閘口壩迹近年西大慈  
 等村抗違前斷恃強築壩斂金賣水謊詐商船私開溝  
 渠通年霸水雄拒上流涓滴不下上三閘曲防多少餘  
 水下五壩旱壤無數稻田地之水旱無分民之生業何  
 寄今又經十三村西王莊貢生王邦彥王永安廩生王  
 師仁南沿村生員劉元璧等稟控在案蒙錢縣主秉公  
 查卷訊斷飭令仍照舊章使水上三閘公村係旱地二  
 八月用水澆灌麥苗惟三月內上下八閘通流夥用其  
 餘俱屬下五閘十三村稻田用水澆至秋分日止不許  
 西大慈等村私自攔河築壩如遇天旱伊等須通知十  
 三村商議會稟候示借水澆灌兩造各遵堂斷情願具  
 結完案恐年深日久上三閘復萌異志因刻石歷敘其  
 事而記之焉  
 以上永年本境分水

康熙三十九年磁州知州蔣擢查訪東閘姦民許鉉戀  
 充老人竟不更換且科斂各村工食賣水放船隨經責

革立規勒石

一管開老人一名專管開上夫役司蓄  
洩啟閉之事以本地有田業之人輪流報  
充分所當然不用工食定於每年開印舊老人即報新  
老人更換勿得違悞一開夫六名專管下板蓄水提  
板洩水亦係新老於各村報出每年輪當自二月半  
起至八月半止不許擅離開上每名年年量准給僱價  
銀三兩亦於各村派定豫備修開渠夫三十名內每  
名出銀六錢共計銀一十八兩均於八月初一日送州  
以憑當堂按名給發領取領附卷一凡修開修渠之處  
每年有候用夫三十名據各村公議按照地畝之多寡  
豫為派定臨時照依分數出夫公舉此後永定為例不  
許擅自更張自取究責一遇春月閉開下板之時管  
開老人赴州稟領封鎖及時固閉若遇溢河水漲老人  
即同鄉長赴州稟報以憑差役持籤驗明封鎖啟開洩  
水事完即行封鎖如報遲致滄民田查出將老人鄉長  
一併重究其客商貨船裝齊聚多老人同船埠亦即赴  
州開報以憑專差查明開闢放行仍加封鎖如敢仍前  
藉端需索客商銀錢果有實據許被害之人赴州喊稟  
以憑拏究

州志

同治元年磁州大營村民以曲溝等村填塞伊村用水  
渠口赴京具控經大名道莅磁勘定用水章程嗣曲溝

等村以大營村所開渠眼不符具控知州程光澄斷結

州志 按北渠開於前明孫任府志亦載之而州之舊  
志願以北渠專隸於曲溝黃鼠大小光祿四村同治元  
年大營村民以曲溝等村填塞伊村用水渠口等情具  
控而下四村則以大營村應用中渠之水其北渠係伊  
四村渠道大營村不得引用等語兩造各執一詞屢經  
互控案懸未結八年大營村赴京呈控經都察院遞  
回由司詳明移會大名道就近勘辦當經本道蒞磁勘  
明北渠地勢在所必爭即傳集下四村民曉以人情地  
利剴切開導四村遵諭通融酌讓查下四村夥用北渠  
章程每十一日一輪遂斷令應曲溝村使水之第三日  
以子時起至午時止准令大營村由姜家翻渠二口引  
水灌溉西北一帶地畝其灌水泉眼以一尺三寸為準  
不准過於寬大按時啟閉如不在輪應使水期內不准  
私開并令大營村幫給曲溝村夫役五名至廟兒溝一

渠本不在控爭之內不計外其張家口一渠暨原斷岸水十六處仍准留用其餘支渠概行堵塞示斷葛藤取具遵依甘結附卷備查咨司詳院銷案嗣曲溝等村以大營村所開渠眼尺寸不遵斷案又復興訟知州程光澄檢查原卷諸堰口俱無方圓字樣惟勘斷張家口卷內有之判係圍圓一尺三寸遂斷令姜家翻渠二口準此為度兩造帖服具結完案

順治三年永邯爭水經河北道蘇 勘明勒石於車騎

關康熙十一年廣平鹽商韓永昌等借閘阻水涸為詞

具控鹽院廣平彰德兩府會議立石東閘以杜爭端二

十七年永年縣舉貢李莞等復以違例建閘控直隸撫

院知州宋廷相詳訊結案

雍正四年直隸總督奏定磁州東西二閘十日一啟閉

五年又定為五日一啟閉同治十年知州程光滢定東

閘先西閘三日而閉

州志 西閘七孔實以木板凡八級東閘一孔實以木板十三級至閉閘之期將板全數入槽若遇商船起行東西兩閘隨閉其閉閘也西閘之板去二留六東閘去四留九既而水之來源漸弱西閘祇上六板東閘祇上九板非至啟閉正期不復啟閉其啟閉正期在康熙年間西閘於二月望日閉八月望日啟後改為三月朔閉十月朔啟至今遂沿為例東閘始亦如西閘於二月朔閉八月朔啟因頻年多雨山水不時漲發春月田間存有積潦須疏之入河乃改於三月朔閉閘繼又改於三月望閉閘近十數年少雨田渠至春焦如龜拆西閘既於三月朔閉遂無滴水東注若東閘仍於三月朔閉則西閘東一帶田渠無由蓄水麥苗既枯大田亦不能布種於是東北數十村民復呈請於二月望日閉閘而船戶則執定三月望閉閘之例兩相鬭爭累次構訟閉閘之期亦遂累次更改勢非永定畫一章程則爭端終不息也同治十年夏知州程光滢抵任廉知其情思為酌一兩便無爭定期適次年春附東閘數十村紳民呈請於二月二

水利略上 閘規

十八日先西開三日而閉體察節候復博採輿論僉稱於農商兩無妨礙遂如所請定讞蓋東開既先西開而閉則兩開各有蓄水灌溉既不虞失時而商船亦可屆期放行洵為恆久利民之道願後之司牧者勿輕變焉  
嘉慶年間邯鄲蘇曹張莊橋煤炭等行控邯民霸開漁

利知府張翔斷定邯鄲三開啟閉日期立石北門甕城

內邯鄲志 廣平府張諭為嚴定開坐啟閉日期事照得盜河開坐原為商民兩便而設不惟村民開頭人等擅自啟閉漁利歷經遵辦在案現據蘇曹張莊橋煤炭等行呈控霸開漁利當經本府提郡委員會同該縣楊令斷令於十一月初五日先閉羅城頭開十一月十五日次閉柳林開十二月二十五日再閉蘇里開次年正月二十五日三開齊啟若遇旱澇早晚不過十日以外經本府轉詳究結在案前奉 藩憲飭令由府頒給示諭轉給該村自行照立石碣永遠遵行免滋訟端等因合行出示給發仰該村民開頭及店戶人等嗣後各開啟閉務須恪遵定期不得擅自啟閉若遇旱澇准稟請該縣查勘啟閉儻有無賴棍徒藐抗不遵串通開頭

人等藉權地為名揣船漁利定行從嚴究辦各宜懍遵勿違特示 以上民與商分水



雍正八年利民閘大隄北農民自營稻田共二頃零二

畝九分以上水利  
營田圖說

閘內外營治水田二百六十九頃二十一畝乾隆元年

知縣丁應蕙以上三閘水田酌改旱田以從民便縣志今

存一百九十六頃八十七畝舊志

邯鄲縣

羅城頭閘水灌田十三村共地六十七頃縣冊

柳林閘水灌田十八村共地三百八十七頃六十畝同上

蘇里閘水灌田十五村共地三百頃同上

案舊志三閘積水漑地南東北一帶四十五村咸資

為利證以縣冊今昔尚無大異

磁州

雍正五年州治西北務本村張家莊量斗莊併東北太

平村杏園營等處農民自營稻田西閘共四百零一頃

四十畝東閘共六百零九頃四十九畝水利營田圖說  
磁州水田原

始記天地自然之利取不盡用不竭者莫如水禹平水土復盡力乎溝洫蓋因民之所利而利之惠而不費之政所宜先務為急也顧疏濬導引使之旁通曲達則實有賴於人功磁境溢河引其流以漑田舊有南北中三渠為州牧包公宗達開於前明洪武年間南北兩渠則州牧孫公健牛公維赤先後開於萬歷年間三渠分漑各村稻田二百餘頃國朝州牧蔣公擢又於各渠接開小渠漑稻田二百餘頃民生用是饒裕僉謂仁人之利溥焉而不知開大利之原尤有前於此者嘗閱朱平涵湧幢小品有云辛丑予南歸經磁州遍野皆有水溝



深不盈二三寸闊可徑尺縱橫曲折隨地灌注禾黍蔚然予異之問僕夫水何自來遙指西山曰此泉源也問泉那得平流則先任知州劉國徵從泉下築隄障之高丈許隄高泉與俱高地勢相引而下大抵高一尺可灌十里丈許則灌百餘里一州遂為樂土據此磁州水利劉公實為開山之祖當與包孫牛蔣諸公並傳不朽乃姓名不載於府州志內將毋掩前人之善與夫前人必非近名以為善後人詎容被惠而不知爰述紀事之詞竊比表微之意是則食德飲和者所當馨香永奉無忘始事之人傳曰有功德於民則祀之蓋賢侯之利澤直與溢水以俱長也

南大渠一道灌田三十七頃有零畝 東槐樹戽水地三頃 尹家橋水地九十畝內平水地八十五畝戽水地五畝 張楊莊水地六頃一十畝內平水地三頃七畝戽水地三頃三畝 灣子村水地八頃四十二畝內

平水地五頃一十五畝戽水地三頃二十七畝 後灣漳水地三頃九畝三分內平水地一頃七十二畝戽水地一頃三十七畝三分 前灣漳水地二頃一十八畝內平水地一頃五分戽水地一十七畝五分 磨裏村水地六頃四十七畝內平水地三頃六十九畝五分戽水地二頃七十七畝五分 馬場溝戽水地十五畝 灣漳營水地七頃六十七畝三分內平水地一頃四十五畝八分戽水地六頃二十一畝五分 中大渠一道澆田一百一十四頃有零畝 永旺村戽水地四頃三十畝 響水梁水地一頃六十畝內平水

地四十畝 屏水地一頃二十畝 李家莊水地四頃五十畝 內平水地二頃二畝 屏水地二頃四十八畝 白家莊水地四頃七十畝 內平水地二頃七十六畝 屏水地一頃九十四畝 固城村水地十六頃 內平水地一頃八十六畝 八分屏水地十四頃一十三畝二分 鑑上村水地五頃四十九畝 九分內平水地二頃九十九畝 九分屏水地二頃五十畝 隄東村屏水地二頃二十畝 敦化鋪屏水地五十畝 張家莊水地十二頃 內平水地二頃二十畝 屏水地九頃八十畝 陳家莊水地二頃四十五畝 內平水地一頃五十八畝 一分屏

水地八十六畝九分 辛家莊水地四頃一十三畝 內平水地二頃三十二畝 屏水地一頃八十一畝 量斗莊水地六頃八十二畝 內平水地五頃六十一畝 屏水地一頃二十一畝 義莊水地一頃四十五畝 內平水地一頃二畝 屏水地四十三畝 北關水地一頃八畝七分 內平水地十八畝 屏水地九十畝七分 關後村屏水地三十畝 朱台莊屏水地六十畝 南來村水地二十二頃六十二畝五分 內平水地二十二頃五畝七分 屏水地五十六畝八分 北來村水地八頃六畝 內平水地八十畝四分 屏水地七頃二十五畝六分

西來村水地三頃七十三畝五分內平水地三頃一十九畝五分戽水地五十四畝 大營村水地七頃七十畝內平水地六頃五十畝戽水地一頃二十畝 小營店水地四頃四十畝內平水地一頃二十一畝戽水地三頃一十九畝

北大渠一道灌田三十五頃有零畝 曲溝村水地四頃八十三畝內平水地三頃六十三畝戽水地一頃二十畝 大光祿水地四頃二十五畝內平水地二頃二十五畝戽水地二頃 小光祿水地二頃一十五畝內平水地三十畝戽水地一頃八十五畝 黃鼠村水地

二十四頃內平水地二頃五十畝戽水地二十一頃五十畝

以上西開三大渠共灌平水地八十二頃三十五畝 二分戽水地一百零五頃五十二畝

南大渠一道灌田二十七頃有零畝 閘南村戽水地六頃二十三畝 南琉璃水地十一頃內平水地一頃二十九畝戽水地九頃七十一畝 狼圪塔村水地五頃內平水地一頃二十九畝戽水地三頃七十一畝 狼圪塔營水地五頃六分內平水地三十七畝戽水地四頃六十三畝六分

西大渠一道灌田八頃有零畝 杏園營水地四頃內  
 平水地十畝戽水地三頃九十畝 琉璃鎮水地二頃  
 二十畝內平水地二十二畝戽水地一頃九十八畝  
 東大營戽水地五十畝 東小營戽水地一畝 東城  
 橋水地二頃內平水地六十五畝戽水地一頃三十五  
 畝

北大渠一道灌田九十八頃有零畝 辛莊營水地九  
 頃內平水地三頃戽水地六頃 柳兒營戽水地五頃  
 太平村水地一頃內平水地四十畝戽水地六十畝  
 大馬莊水地一頃內平水地十一畝戽水地八十九

畝 南豆公水地九十畝內平水地二十畝戽水地七  
 十畝 李家莊水地一頃八十一畝內平水地九十一  
 畝戽水地九十畝 北豆公水地二頃三十二畝內平  
 水地一頃二十二畝戽水地一頃一十畝 郭家小屯  
 戽水地三十畝 吳家莊戽水地九十畝 南左良水  
 地四十畝內平水地二十五畝戽水地十五畝 北左  
 良戽水地六畝 東城營水地三十頃內平水地一頃  
 八十畝戽水地二十八頃二十畝 鄭家莊戽水地四  
 畝 胡家莊水地二頃內平水地一頃戽水地一頃  
 徐家莊水地三十四頃二十五畝內平水地十七頃一

十五畝  
戽水地十七頃十一畝  
王家莊水地六頃內  
平水地二頃三十五畝  
戽水地三頃六十五畝  
小馬  
莊水地四頃內平水地一頃五十畝  
戽水地二頃五十  
畝

以上東閘三大渠共灌平水地三十三頃八十一畝  
戽水地一百零一頃一十二畝六分

良方橋水溝一道灌田二頃八十有零畝  
西候召戽  
水地一頃五十畝  
朱家莊戽水地九十七畝  
南開  
河戽水地四十畝

北二里半鋪水溝一道灌田十一頃  
北孟家莊戽水

地五十畝  
北開河戽水地十頃二十五畝  
曹家莊

戽水地二十五畝

北五里鋪東水溝一道灌田四十一頃有零畝  
觀稼

亭水地三十九畝內平水地九畝  
戽水地三十畝  
馮

家莊戽水地一頃二十畝  
王家莊戽水地九十五畝

北張家莊戽水地六十畝  
甘草營水地三十五頃

內平水地一頃八十畝  
戽水地三十三頃二十畝  
紀

家莊水地三頃五十七畝  
四分內平水地二頃五畝九

分戽水地一頃五十一畝五分

黃官營水溝一道灌田四十七頃有零畝  
黃官營水

地一頃五十畝內平水地一頃二十畝戽水地三十畝  
楊家樓水地三頃二十畝內平水地四畝五分戽水  
地三頃一十五畝五分 十里鋪水地十四頃內平水  
地二頃六十一畝戽水地十一頃三十九畝 高與村  
水地八頃內平水地三頃一十畝戽水地四頃九十畝  
小西村即舊志輿圖內所載之幫村水地十五頃一十一畝內平  
水地十一畝戽水地十五頃 閘南村戽水地六頃一  
十三畝

梁王橋水溝一道灌田八頃六十有零畝 杜村營戽  
水地四十畝 杜村鋪水地六頃七十五畝內平水地

五頃五畝戽水地一頃七十畝 杏園營戽水地一頃

五十畝以上州志

以上各水溝共灌平水地十六頃六畝四分戽水地

九十六頃一十一畝

通共各渠溝共灌平水地四百五十頃五畝二分

隄堰

永年縣

護城隄在城西二里相傳竇建德所築明嘉靖間知府

李騰霄增修畿輔通志自西而北而東北延袤可三十里

輿圖唐武德五年世民攻劉黑闥於洛州別將程名振載

鼓六十具於城西二里隄上擊之城地皆震動即此

方輿紀要道光十五年知縣玉璜大加修築長一千一百餘

丈光緒十二年知府譚寶琦遊擊賈宏材重加修築房冊

賈葛口隄在城西南二十里遙障郡城與城南隄相屬

形如複嶺縣新志自賈葛村東沿滏河至府城東南復迤

邐而北長三十里方輿紀要

老許隄在城東畿輔通志又城南三里有馮家隄城東三

里有夏家隄又有史家隄宋家隄皆隄上村名也採訪冊

蓮花口隄在城東南五里明末引水衛城屢開屢塞

國初漳水併入隄益危邑令王報春築之舊志光緒九年十

一年溢水決此知府佛爾恭額署知府譚寶琦知縣楊

誠一相繼修築正隄長二十六丈寬三丈高一丈二尺

東西各築套隄一道並築滏河內岸舊隄自西大慈村

起至李家莊止長五十里修墊南北大路高出水上寬

二丈長四百丈房冊邑人杜壽遠記略曰衡漳昔在

十餘年溢水夙稱安瀾記丙寅隄潰西郊為壑郡固無虞也自戎馬在郊開蓮花口引水衛城屢開屢塞土不堅實兼之漳水南來勢益洶湧慮且難支癸巳漳返故道里人舉手慶甯居矣甲午大霖雨洪濤接天魚遊樹杪賴邑大夫朝邑育萬王公拮据備至僅以無患郡形卑下識者憂之安危恃在一隄而隄之薄脆難以終倖王公為慮久遠出俸銀買地改鑿塞其故流使避隄而南此萬世之利也

鐵鍋口隄在城東五里滏河東岸隄舊卑薄明萬厯間

溢水決此

國朝光緒九年河決復築十八年復決補築

縣舊志兼採訪邑人王

端記略溢河自邯鄲經府城東達曲周悉由地中行獨城東南至利民閘北至宏濟橋約七里許地勢極下兩岸築隄障之隄西為城計者閘皆一二里許兼以基址堅牢雖嘉靖間一以洛水溢而城北之隄潰再以山水發而城西之隄潰而城東障溢之隄終如故也至隄東為民計者閘者止十餘步至楊家口鐵鍋口呂家口等處僅三五步許且當水之外弦坍塌恆易兼地勢倍下於西是以稍有泛漲民即凜凜懼其魚也然恃協力嚴防卒亦不罹於患至萬歷乙巳迄丁未秋漳水灌溢洶湧異常河西居民設不必然之慮藉口倉庫為重宜決溢東之隄以洩水守君未審溢之未嘗為城患也遂聽其說誤於鐵鍋口再行開決雖守君悟後深自痛悔追責言者屢於受害處厚行蠲賑然河東二十餘村之田舍已漂泊盡矣老稚頭畜已傷過半矣吁亦何及哉時蓬元張公鳳翔為司理屢爭於守君而不獲乃毅然以杜口為己任鳩畚鍤督理經晝晝夜不輟於是水患息

而罹災者始幸安堵嗚呼公之所以護衛我民者不既切且勞哉未幾公以銓曹去民如失慈母迨公巡撫畿輔民大喜以永絕開決為請公為責郡縣立碑河干俾永遠遵守毋得議決以殃小民嗚呼公之所以衛我民者不又深且遠哉且因謀刻之石庶君之仁我民與我民之感君也胥與溢水以不朽云

娘娘口在城東北借馬莊又鳳凰口亦在城東北隄上

康熙志詳見前

郝家灣壩在城西南八里草橋東溢流至此紆曲夏秋

盛漲奔流蝕岸乾隆五十九年河決為患甚鉅自是修

壩築隄河流順軌者數十年日久隄薄同治十一年知

縣錢敏別開新河於舊河身築土壩一道長二十五丈

上寬三丈下寬五丈培築河東西岸長一百五十丈

縣新志



辛村壩在城西北三十五里明萬曆中洛河決此知縣馬翰如築堰捍禦使歸故道

國朝乾隆二十二年五十九年復決六十年築壩嘉慶三年知縣李景梅補修六年復決二十五年知縣凌泰交道光二年知縣沈慎厚相繼補築同治十年知府長啟紳士武汝清督修決口大壩長五十八丈壩外為土埝長五十丈又外為迎水壩長三十丈旁為護隄百八十八丈南岸上接皮坡莊長七八百丈一律培築十二年知縣王墉續修光緒三年

直隸總督李公鴻章以閱伍親臨河上相度指示復捐

資籌款助工大加修築知縣錢敏復籌定歲修經費遇壩工大修永邑任其半雞澤南和各任其半通詳立案

同上直隸總督李鴻章洛河壩成復故道碑記洛源出晉之遼州經武安入直境山河七十二道回漩東注匯而為一與之西毗者為永年古洛州地兩邑之交峰巒錯峙皆太行支麓臨洛關以東平衍多沙河流承東迫之餘得寬博之所夏秋山漲浩瀚迅厲勢若莫禦由是而東北折入雞澤南和再北入任縣經大陸澤匯於甯晉泊透迤而東注於海永雞南各邑開挹洞注田稼以肥俗曰福河乾隆中葉決辛村南入牛尾河牛尾者洩滏陽入閘及郡城西南無源潦水鍾而成澤亦由雞南任匯南北泊槽故窄不能兼容時時泛溢為患會六次堵塞迄不能就沿洛農田失溉潤之利者垂百年余茲直之明年南和士民王榮煥等以復故道請因檄永年錢令履勘順德任守會同廣平長守相度經畫僉以河身高仰決口有建甌之勢非逐段挖深不能挽流歸故而塞決大壩非草土所能抵禦余以石壩費鉅三合土夯礮如法亦足經久議既定以邑紳綜理其事而以

雞南紳董助之凡築大壩一長五十七丈底寬三丈面  
 寬二丈高一丈七尺入地三尺立基中貫木椿內土外  
 灰合築成一其形如弓迤西護隄一百八十丈高廣減  
 於壩復以壩之當衝也於其北築土埝五十丈以障其  
 前且以溜之直射也埝之右建迎水壩三十丈以殺其  
 勢隄防既固猶慮大溜至此無以停頓游衍將河口拓  
 寬加深以遂其東注之性其上皮坡莊南岸築土隄四  
 百五十丈以堵決溢逼水下行以下幸村起辛莊堡止  
 河身七千六百有四十丈再下南和境丁家莊起沙陽村  
 止河身八千八百二十丈再下南和境丁家莊起沙陽村  
 頭止河身四千六百八十丈再下南和境丁家莊起沙陽村  
 訖甄莊河身四千六百八十丈再下南和境丁家莊起沙陽村  
 律深通甄莊以下西北入北澧故道泥壅沙積不復知  
 為大陸澤地既升科道亦迂遠惟併入劉累河則工力  
 大減劉累者牛尾河委與洛委東西祇隔百丈蓋劉累  
 本入洛洛既上決中涸下尾隨變為劉累茲復其舊以  
 達於澧由澧入甯晉下游既治復念上游壩工為全河  
 關鍵一有墊陷全功皆墮又飭署永年王令鏞補修新  
 壩四十二丈用灰沙拌土將大壩加高幫闊其南北參  
 用黃土接長百餘丈沿河隄岸多栽柳枝永南二邑皆

建龍王廟義塾於河濱總計是役經始同治辛未仲春  
 訖癸酉夏未始蒞事役夫多者幾逾萬人承修壩工之  
 員則永年前令高海風典史羅繼助驛丞周祖楷總理紳士  
 垂助訓導高海風典史羅繼助驛丞周祖楷總理紳士  
 則前刑部副郎武汝清河南候補縣李待時中段河工  
 雞澤則章故令淡如夏前令子濠候補縣李待時中段河工  
 則尹前令開先任縣尾閭則曹前令德森何令庚生和  
 補令張春熙驗收各邑工程之員則吳直牧榮統籌上  
 下游則廣平守長啟順德前守今開歸陳許道任道鎔  
 及薛守斯來總提大綱督催成功則前方伯今河南中  
 丞錢公鼎銘也各項經費壩工最大永雞南三邑合捐  
 京錢一萬二千串其餘隄工挑挖土工木工及下稍地  
 價皆各屬士民按畝勻派而余與司道府縣捐廉為之  
 助其善後修壩截沙經費永邑捐二千串雞南各捐一  
 千串分存殷賈按月生息由錢令籌勸紳士輪管蓋此  
 舉也錢令與武部郎之勤為多河既成山水暴至激蕩  
 衝刷槽道深利沿河之民既免泛溢復得沾溉則相與  
 賽神報社慶抃歌舞歡然如登衽席而當其初估種河  
 身者均以水害為言案牘紛陳幾若利未必而害先至  
 豈知轉盼之間全河順軌樂利之至於斯哉凡民可與

樂成難與圖始今幸克底於成以後修守之責圖終之道官紳當共任之矣余前閱伍過洛親臨勘驗慨然於羣策羣力趨事之效因爲文以紀其實使後之官斯土者有所攷也

曲周縣

護城隄自曲周縣西南十二里滏陽集起迤而東北抵

城東至馬瞳村止長三十里往時漳水由此入滏故築

隄以禦

畿輔通志

滏河東岸隄在縣東三里西岸已有護城隄可資防衛

東岸地衍土鬆屢經水患乾隆四年知縣周碩勳築隄

堵禦於是兩隄屹峙五年知縣陸拱辰增修

畿輔通志參縣志

舊漳河隄在縣東二十里起安兒寨至韓村

縣志

高口隄在相公莊

同上

李軍門隄起縣東水德堡東魏村經邱縣界至張遂村

南北五十里

畿輔通志康熙志作順治十一年築

案縣志漳河南徙後昔年泛漲之處盡爲沃壤舊隄

亦漸陵夷惟沿滏河隄岸尙宜隨時修築以備不虞

又案康熙志平鄉當滏水下流昔年爲橫隄以斷流

境內被害屢起爭端後兩縣查勘毀隄立石邑人王

顯祚有記

肥鄉縣

護城隄在城四關外長十餘里明萬曆間知縣曹昕築

後漳水日淤隄高城窪水易浸滲歷任屢加修築

國朝順治中知縣李文盛沿隄密植柳椿康熙二年知縣

焦服祖重修四年城圯隄淤為平陸縣志知縣王能任王

建中屢築屢毀至漳徙去乃已

畿輔通志 賀應旌 防隄議肥邑正當漳水

之衡其最急而大且重者莫如防隄計明季沈城之禍有五惟壬戌為尤重迄今三十餘年其外日淤而高其內日窪而深隄腹正與堞口相平甲午之秋水潦橫發微天大幸僅保無恙其不至為壬戌之續者幾希在茲茲土者以思不切身又或委於不經聞見其傳舍而築室也吾無責焉獨是邑之紳衿父老屢經厝火猶切怡隄則屢築矣官無日不督民民無日不在官子何代大匠斲之鯁鯁為余以為不得築之法與夫築之實不築則民不困益築則民益困弊端日滋而小民之筋力為已耗矣日嚴日削數年以後將求民之復為我用而不可得其禍更慘於漳水而人莫之覺也計一年之所費

可敵十年十年之所費可敵百年而卒也高不加一尺橫不增一步僅柳影參差徒資觀美每當水發輒危岌如故此無他不堅不厚不經久故也有築之名無築之實有築之人無築之法胥役之影射多端而小民之累苦莫告則欲起而為百年不拔之基與夫一勞永逸之道勢非堅厚經久而不可而堅厚經久則莫若一儆乎郡東老許堤之法郡東有老許隄不知昉自何年其上雜置民園圍村落相傳已久而水潦絕不相及此亦已事之明效彰彰者也請自今先立一式高一丈衡可二丈五尺許以令於民計肥地若干頃計肥堤若干丈計若干頃可築若干丈一倍增立小旗十倍立大旗百倍立總旗俱擇老成有心計者董督巡視其有虛冒詐偽者自總旗以下次治之其如式先完者即釋去而胥吏不以預其事焉如是則人如自謀其家務未有不急而求畢務早歸者計每歲週圍增二丈五尺十年增二十五丈其市場圍廬居令民依次修葺以成村落侵民地以官價償其不願入官以俟其後之自為場廬者聽其便而免其所占之租稅四面四分八區將在關之月有十五集移置其上以次輪流如是則人有趨高之便而又有逐利之謀未有不急而求自便其身圖者其四面

四角之正衝開八孔道以通車設八譙樓以瞰遠外於者寬其界以資行旅內窪者高其路以達關廂而其餘垣墉外向一切禁民不得擅行出入當外城焉如是則既樂園廬之便又幸防守之嚴人未有不急而思成就為家室者不惟可以防水兼亦可以禦寇而內城之倉庫盈溢亦可自是高枕無憂矣邑之父老紳衿倘不以余言為謬各出所見以共襄斯舉雖譏以狂瞽訕以宣驕余不恤矣

列人隄在縣東北

縣志

列人城在肥鄉縣西北三十里列

人隄上

元和郡縣志

列人埤城居其上埤即隄類也後魏孝

昌中有人於此掘得破船蓋是漳水淤泥積久遂成高

岸

太平寰宇記

或曰漢大河隄也

方輿紀要

神腴隄在縣北隄東西約五里唐邑宰韋景駿築

方輿紀要

景駿神龍中厯肥鄉令縣北瀕漳連年泛濫舊防迫漕

渠雖峭岸隨即壞決景駿相地勢益南千步因高築鄣

水至隄址輒止其北稱為腴田

唐書循吏傳

雞澤縣

護城隄高一丈寬八尺明嘉靖二十年知縣曹希曾建

四十三年

縣志作四十二年

知縣常世勳隆慶五年知縣張汝

學增修

國朝乾隆十六年知縣王光燮重修

畿輔通志

沙河隄今為牛尾河隄在縣西一里高一丈寬一丈長

三十三里明嘉靖四十三年同知張九一築隆慶五年

知縣張汝學增修

國朝康熙七年知縣姜炤乾隆十六年知縣王光燮相繼

重修同光緒十六年知縣錢錫案補修縣新志

案新唐書地理志雞澤縣有沙河南隄一永徽五年

築不識此隄是否昔時遺址

新河隄在縣西南自馮鄭村至亭自頭長二里康熙七

年知縣姜炤築同

滏河隄在縣東滏河西岸大隄高一丈四尺寬二丈二

尺長十五里明時築畿輔通志至今里民歲修舊志案

例五年一大修主修者三村曰舊城營邢家隄東于口

協修者二十八村曰三貫莊庫史莊丁陳莊附馬寨斬

家莊槐玉橋常家莊于林要莊四河口司馬堡郝莊八

家寨臺頭賈莊葉官營柳官營東馬坊營張路固吳官

營郭家莊逢官營程官營東安上西于口劉家莊北馬

坊營三青隄龍泉各村按牌分段授工每年小修按地

頂畛填補務在修整完固

漳河隄在縣東高七尺闊一丈舊長二十五里康熙志今

廢縣新志洺州雞澤縣有漳洺南隄二永徽五年築新唐書地

理漳洺二水俱在縣東二十里有漳河隄亦曰漳洺南

隄太平寰宇記蓋昔時漳水在縣南界合洺河而東北注也

廣平縣 護城隄在縣南一里西至馬家莊東至董村縣志

漳隄在縣南三里賀家莊縣志

古隄在縣南新鎮村舊志

故隄在縣西宋固村西北距城十五里北至孟固村南

至成安縣界畿輔通志

新隄圍繞縣治周九里四十步順治年間知縣顧如華

築縣志

案舊志漳河自明宏治間決入廣平縣境自是頻歲

泛溢為害康熙間南徙後故道淤為沃壤其為害之

鉅備在巡撫李公光地一疏特附錄之李光地奏勘漳河疏臣等

察勘得廣平縣係歷年積水所佔田地拋荒頗多臣等親看得該縣東西水淹之地長六十里廣七里俱生短雜蘆葦百姓歷年未能耕種經今道府縣丈勘查明被淹田共二千一百四十一頃零但該縣一帶

土鬆河深從來漳河遷徙不定開河則旋淤築堤則旋塌詢之鄉紳士民咸稱不可築隄且歷考漳河徑由之處所淹不過一縣如以前曲周肥鄉成安等縣水淹地方今皆已涸出共成沃壤不過目前被水之縣耕種維艱該地方官民惟有仰希 聖恩於被水鄉村暫除一年錢糧容其將就食近縣之民招回墾種如明年河道遷流水勢稍涸則所淹田畝悉可耕種下年即行照舊起科如明年水勢未消則乞再蠲一年總以荒田墾種之年即為起科之限而一邑數十鄉村之民可以稍蘇矣

邯鄲縣

沁河隄在縣西北明正德年間知府華津知縣韓翹築

改挑沁河避城而北障以長隄高厚各三丈沿隄植柳

舊志 明李東陽記略廣平之屬縣曰邯鄲在府治西南五十餘里蓋七國時趙所分晉地漳滏二水抱其左葛堵邯紫諸山發自太行山者環其右有泉出於紫山曰渚沁水東趨數十里抵縣城始折而北每秋雨暴至

勢極湍悍城輒壞民弗堪其勞無錫華君來知府事以爲河流不改則終無善策相地勢溯流而上可一里許改河故道避城而北以入於漳畫地計功分職領役凡爲新河七百二十丈深丈有八尺闊十丈五尺障以長隄高厚各三丈受水之處費石百丈有奇貫以鐵定關鍵旁午沿隄植柳萬餘根節交錯峙爲崇邱牢不可動城故爲水齧者卽加增三面卑薄者則增之樓櫓鋪舍百廢並舉水患旣息城亦永奠經始於正德甲戌三月至丙子十月而成

歐隄在縣西明萬厯中知縣歐陽調律築以防沁水上

國朝雍正中知縣鄭方坤重修

縣志 鄭方坤記略邑在

秋多雨則狂濤怒吼奔潰跳躑萬厯間大水邑令歐陽公特於西陂口築堰使北趨折而東與滏水合不爲城患者百有餘載今歲六月淫雨經旬山水驟下河決西堰入西二里許邑城西南隅大雨挾流頃洞之勢猛不可當城壞須臾耳余躬督民役持鍤千柄築壩城下人皆立巨浪中與水爭持一夕竟成城藉以全嗚呼危矣

次日稍霽水勢漸殺卽向所決之處速具椿葦柳梢等物作隄務堅且厚復成外隄一道長亘倍之踰旬報竣有請爲文以記者伏惟四海昇平 聖天子威德遠播川瀆之神靡不安瀾爲職而邯處輦轂之下今日之事所宜大書垂示無窮且天下事爲之則難者易不爲之則易者亦難方水之至也所觸倒垣屋崩土石觀者變色余則以水必可遏城必不可使壞毅然以身先之卒至無虞可知一念之誠足開金石如其不然又手蒿目諉諸時勢自古以來坐此敗事者曷可勝數今從客之請亦用自助焉并告邑之人如見令之有懈政卽持斯言爲規是又余之所極不忘者矣

趙壘隄在縣東北長七八里障西山之水以入滏河今

廢 舊志參縣志 明邑令張第趙壘隄不應築議趙壘原無隄隄之築起自嘉靖三十二年蓋因本府城西有胡賈等村俱秧稻地實與邯之趙壘村接壤秋水暴至水自西山來者由趙壘而東則胡賈等村之稻不得全收遂有永年民齊龍張深等告於趙壘築隄一道彼時在位未能深察遠從其請由是趙壘諸村竟爲魚鼈



之區矣幸隄旋潰決水得流通獲免昏墊遂有永民復欲修築事聞本府賀公親行查看的知其不可竟罷之賀公去後復有倡修隄之說者本府又委成安肥鄉鄆鄆三縣并永年薛主簿公同踏勘時左右居民相聚者千餘人俱稱修隄不便事亦中止永民見此計不行乃別出一議謂不修害及府城以爲詞則本府修隄之意不堅多官之議不止不知趙壘去府城蓋四十餘里來水卽有泛漲一入曠野卽四散平流豈能侵懸遠之城哉且趙壘之隄一築卽通水南行入於滏陽滏陽河身有限安能受此無窮之水所以賈葛口四歲而三決修築之費不貲則趙壘築隄之害曉然矣

案康熙志趙壘隄嘉靖三十二年築永邯之界壤相接蓋以遏西山暴雨恐浸府城耳邯鄲緩而永年急增卑培薄所以定計於先也兩縣之民爲府任勞同舟共濟可矣

鄆米隄在縣東十里鄆米二口與肥鄉接界

同上張第議略

堵塞二口肥曲爭議久矣余嘗溯其源委漳河在磁州界其北岸名三臺口西至講武城東至孫家莊約十五里其岸稍卑每歲五六月大雨漳河泛漲溢岸而流北至臨漳谷子里分爲三股二股入鄆米口口北一里許曰漢壩折而東入肥鄉曲周漢壩飛沙堆壘水自南來者阻塞不通積於二口水勢浩大隄岸崩決淹邯鄲東肥鄉西北曲周西南今議者專欲塞二口夫塞之誠是矣但漳水未必起自邯鄲二口塞則邯鄲獨爲壑矣爲今之計有二議自磁州講武城而東臨漳縣孫家莊而西築隄以障漳水漳水不至橫逆則三股之水可除二口亦無衝決之患此窮源之說於策爲上不然疏漳河故道決漢壩而東達蘇胡寨口入於滏陽庶各縣均受益矣

漢壩在縣東十里鄆米口北一里飛沙堆積漳水自南來者阻塞不通明萬曆中嘗議決漢壩而東達曲周蘇

胡寨入溢後漳徙遂止 畿輔通志參縣志

成安縣

護城隄明嘉靖二十一年知縣杜聰築萬曆二十九年知縣劉永脈重修三十年以後屢決屢修

國朝順治十一年康熙七年漳水決隄壞城十年知縣王公楷修周圍一千七百八十丈高厚各二丈有奇又於

東南築外隄長七百六十步 畿輔通志參縣志

王林隄在縣東南十五里萬曆二十八年漳河決此 舊志

寶公隄在縣西南二十五里萬曆三十年漳河決此 同上

威縣

古隄一名鯨隄在縣東南舊自堂陽延入甘陵至縣界

邵固集北高二丈有奇闊三丈有奇今圯 畿輔通志參縣志

漳河隄在縣南漳河故道北 舊志

清河縣

南運河隄在縣東上自臨清州鹽店村起下至夏津縣牛家墳止長四十里險工十一處每年春時培築一次

南老隄頭險工一段長十五丈孫家圈長五十二丈賈家嘴長二十丈土龍頭長十丈邵家疃圈長九十丈北老隄頭長十四丈草寺南長二十六丈草寺北長三十五丈唐家口南長十五丈唐家口東長二十四丈牛家嘴長二十三丈以上險工關係瀕河十八村出夫歲修 縣志 光緒十七年

知縣隆昇因水災請款修補十九年知縣楊善慶大加

修築南老隄頭雞市口舊本草壩請款重修改為磚壩

南老隄頭壩長十六丈高三丈五尺雞市口壩長十丈高三丈房册明賈待問護河隄記略清河在前代為望郡又曾置王國其所轄地有運河二哥營在其南賈家口在其北厥東岸屬夏津西岸則屬清河舊有護河隄長四十里每遇秋水縣大夫督夫千餘昏旦隄防誠慮河一決則敗田廬沒禾稼災及城邑者不尠即無論元宋以前在我朝世宗時庚寅水決白廟口會天雨大注合境瀰漫運河舟楫通城門外至有繫嬰兒於樹上民患苦之迨戊戌又水迄甲辰視戊戌尤甚穆宗時已已夏水更溢城不下者三版焉以故是邑河防視他務為要若二哥營鋪內有謂邵家疇圈地方尤其要者其地故隄頻年屢決決輒病民洶洶然莫知死所邑侯王公憂之焦毛髮甘握吐周詢廣諷者再四計於故隄外益以月隄蓋既為民防用且以為國重漕厥計誠亟厥慮至深遠也於是請於督河潘公安撫朱公侍御何公咸下檄於兵憲于公郡守喬公反覆議查皆報可按

公所議月隄長一百八十丈底闊三丈頂闊一丈五尺高一丈二尺許分工十段各一十八丈夫一百若干名原設淺夫四十八名今各僱餘夫一名共九十六名工食皆已有者此外止派夫九百四名每名日給工食銀三分於該縣行差地畝均攤每地三頃六十八畝二分七釐一毫僉夫一名給以花名地數印票計日收討工食不得預支亦不得私攤幫貼以滋他弊隨委管河典史周制督之仍遴選義官高惟岳等分工修築公不時躬親查勘以是隄堅而固可垂永久工始於萬曆十七年十一月十三日成於十八年二月十七日內隆冬寒沍工暫停止通計工二十四日費省而工用以完今二十年霪雨作沴臨清之楊家集我威之邵固堡平地水深丈餘淹沒腴田萬餘頃室廬難以數計清河二哥營一帶地方俱安堵如故得免衝決之虞公之德也公姓王諱守禮字秉節號亨吾以文學登歲進士西涼之永昌人

堰水隄在縣東南三十里辛集洪河之南東自御河崖西至蘇隄高丈餘長五十里河決為害恃此障之縣志明

宏治中築

畿輔通志

鯨隄在縣西南三十里自順德府廣宗縣透迤入境相

傳鯨治水時築也大隄村因以為名

方輿紀要參縣志

曲隄在縣東高齊時羣盜多萃於此郡守宋世良下車

頒行八條之制盜奔他境蓋地近河壩故羣盜得以依

阻

方輿紀要

磁州

良橋東隄在州東北長五丈高二丈寬三丈康熙四十

八年知州蔣擢築以受北城濠之餘水灌民田

畿輔通志參

州志

五爪渠西隄在梁王橋南長二里寬一丈高七尺康熙

三十八年知州蔣擢築以防西南暴漲之水

南左良隄在左良西長一里寬七尺高六尺康熙四十

一年知州蔣擢築以禦東南豆公等處倒瀉之水

高與村隄在州北十里鋪長二里寬一丈高八尺康熙

四十二年知州蔣擢築以禦西南各渠餘水引之歸出

水溝

俱同上以上新隄

固城隄一名程公隄相傳為宋程珣所築在州西南長

三里一百四十步寬二丈五尺高八尺

畿輔通志

以防溢

水今圯

州志

務本隄在州東南白道村東與臨漳縣接界長五里二百二十一丈高八尺明隆慶五年知州秦邦彥築又有小隄長一里四十步寬二丈五尺高四尺亦在

州東南畿輔通志以上舊隄

鑑上村壩在州西乾隆十年知州馬長淑築逼南渠之

水東流灌田州續志

案築隄立堰或引水以溉田或障水以去患關乎水利之利害故附列水利之後

重修廣平府志卷二十一

經政略建置一 城池

永年縣倚郭

城周九里十三步高三丈五尺廣二丈五尺門四東曰陽和西曰保和南曰陽明北曰貞元池深二丈闊十五丈舊志舊土城唐以前周六里二百四十步元侍郎王偉

守郡增築如今制明成化間知府熊懷修葺隍舊無水

知府李進濬池引水種荷植柳案宋史郭進傳周顯德中官洛州團練使嘗於

城四面植柳種荷後益繁茂據此則嘉靖二十一年知

府陳俎增高城垣登以甃石建城樓四角樓四鋪舍二

十六內置甬道二十九以便戍守四十二年知府崔大德加修重垣於郭以防漳滏水患崇禎十一年推官余忠宸知縣宋祖乙濬池十二年知府歐陽主生改築舊堞增添鋪舍各甕城外設重門樓櫓

國朝康熙七年城為水浸傾圮數處知府劉光榮重修咸豐二年知縣陳政典補葺外垣五年修南城樓六年知府長啟修東西城樓九年知府王啟會修北城樓濬池並啟安民間引水注濠同治三年知府楊毓柟郡人武澄清四年知府李朝儀知縣王德炳郡人武汝清相繼修葺

畿輔通志 光緒十年知府張斯桂繆彝知縣楊誠

一重修

房冊 明陸泰記略廣郡北通燕涿南達鄭衛東連齊魯西接秦晉史稱漳河間一大都會前

守王君偉熊君懷相繼城之而累土列墉每易剝蝕無可恃為久安計嘉靖壬寅敵犯太原廣與接壤郡侯陳君俎乃倡議輒之二十年來刁斗不警夜戶不扃民獲安於無虞者陳侯之功也第城瀕洺滏二河每秋雨至勢極潏悍若建瓴然癸亥秋霖潦洩旬河輒泛溢平地水高丈餘城不浸者數版幸守土諸君子百計衣袂以砥障之僅免陷溺於戲亦沾於危矣水既定而輒圯者十之二三於是即議修復而時詘未果甲子春侍御思齋董公學奉命按茲土屬有司捐公費千金以倡爰築日諏吉鳩工聚材肇於甲子之四月越秋八月而竣事其環亘高閣樓櫓鋪舍楹券門垣悉因乎舊復於門外各加重垣以防水患巍然煥然視昔有加焉於是廣之士庶胥慶生聚靡有蕩析凡皆成城之功也夫郡城之守固為不逞之徒斬關走壙者設非虞水為患也然寇盜孔棘宵晝無虞猶得以偵緩急謹封圉以禦之而水之為勢奔騰澎湃橫潰四溢豈人謀所能為力哉癸亥之患設非是城以障之郡其沼矣則是役之不容緩也彰矣而是役之有功於民也抑又偉矣 國朝王啟會

記略咸豐二年成都陳政典令永年時值粵逆北犯城  
 多傾圮陳君修整之並城之南樓工未畢以奉諱去六  
 年知府長啟修東西城樓九年四月余忝權斯郡見城  
 之北樓僅存故址因慨然曰是誠吾之責也比部武君  
 汝清余同曹舊好也相與議重修之舉並約闔郡諸君  
 子擇期興造未及兩月而北樓工竣又兩月而濠池工  
 竣登樓憑眺見水色瀾漫心竊樂之轉瞬楊柳沿隄芟  
 荷四面蝦肥魚美蘆葦參差非獨可以資捍禦壯觀瞻  
 向之水利從此可議興矣惟溯查此利不知始於何年  
 歸官經理官理其事食其利可也乃皆假手於僕隸始  
 而與官分其利繼且欺官而專其利專之不已勢必由  
 把持而侵盜利與弊相循矣以有用之利徒養無用之  
 人揆諸勸此利讓歸書院余步史公後因其美意而推廣  
 策先將此水利讓歸書院余步史公後因其美意而推廣  
 之計每歲水利所出一助書院薪水之資一備塗水隄  
 工之費取之自然用之不濫是史公為其難余為其易  
 也夫利之所在有讓之者即有爭之者數十年後官不  
 必皆為史公紳不必皆為諸君子將來此利不侵於官  
 補築濠池尚需深鑿書院舊地或有被人侵盜者尚需

清釐惟願繼余而來者補余志之所未逮後之人於余  
 亦猶余之於前人也則幸甚武勳朝記略己丑冬廣  
 平府重修城垣告竣在事官紳議泐石以記其事乞予  
 為文且曰非欲以示功也將使後之人有所考稽踵其  
 事而時葺之或更推廣其意而善為之則斯城之幸也  
 廣郡故城創自李唐以前元時始擴而大之明自成化  
 後迭加增修規模益具國朝以來屢壞於水隨時修  
 葺具在誌乘近年城垣多形酥離門鐵剝落木質壞損  
 癸未楊侯誠一令永年欲為重修計猶重勞民未果也  
 乙酉調任去是秋霖雨洩旬溢水漲溢自蓮花口決隄  
 灌入環浸城闔以致周圍俱有塌陷南城近門一段傾  
 頽尤甚丙戌楊侯復莅永年慨然曰是不可待矣時太  
 守張公斯桂甫至廣郡相與共商各先捐廉以為倡遂  
 得闕城文武員弁及紳眾勸諭樂輸共捐金四千許戊  
 子春次第興作嗣以工程浩大經費漸絀幾致束手適  
 太守繆公彝署府事楊侯以情告繆公曰此郡城也非  
 復得金二千有奇事乃濟今年春太守吳公中彥來守  
 是邦見而喜之曰輸財者好義任事者服勞不有獎勵  
 何以勸後因請功牌徧給之示勸也是役也楊侯創其

謀前後太守成其事所以屏藩 國家保障地方者意深遠矣而官紳勤勞自效同心共濟又若是乃皆不自以為功急急於後日之圖何其所見之大哉故謹書其意以告來者

四關閣門在南關者建最久道光五年知縣沈惇厚重修同治七年禦東捻有效因增築垛口並添建東西北

三關閣門

縣志 邑人武汝清建置三閣記郡南關高閣崔巍不知建自何時道光初年歸安沈公

惇厚知縣事重加修葺高閣峻嶒上聳自午橋觀之規模宏壯誠巨觀也東關閣基僅存半壁北關小閣門僅可容車祇存閣之名耳與關廂住戶絕不聯屬西關則並無基址同治八年髮捻北竄夾城過一晝夜不絕約十餘萬人賊夥竟直逼關西昭龍廟前無堵禦者東西北三關住戶皆遷移於城惟南關上置巨礮擊賊三里外防守綦嚴人民得以安居乃知關製閣門可以護衛關廂且可作郡城保障紳眾乃商之太尊李公朝儀邑侯王公德炳挪借修城項四千串又陸續勸捐得京錢五千餘串鳩工庀材東西北高閣煥然而起乃為三關

之鎖鑰南閣則規模略易閣上圍牆改砌垛口閣外又修造吊橋其法較舊製更為嚴密云

臨洛鎮城在府治西四十五里城周南北二百二十丈

東西半之高一丈九尺廣一丈八尺門六池深二丈闊

五丈明嘉靖二十一年知府陳俎知縣閣文貴沿舊址

重築土城敵樓四臺堞具備舊志明設巡檢萬曆二十六

年移通判駐之

國朝道光二十二年通判缺裁移同知駐此同治六年同

知林世俊重修

縣志 明連鑛記略臨洛距郡西十五里先為州縣治久之淪革城郭廢圯遺

址猶存我朝為鎮置巡檢司驛遞各一以詰姦暴時將迎焉而蔽衛鮮預前郡守南鄭張公羽業城之未果遷去嘉靖壬寅邊人不戒蹂躪晉鄆郡守河陽陳公俎接行及洛日寇來何禦吾茲城焉以奠若有眾乃俾承年



令閻侯文貴相厥宜躬詣其間設表位定方基炎暑罔  
數百執事亦熙熙惟謹始六月中旬秋九月告成力取  
諸民之願役者鎮三千五百人鄉二千又益鄰邑之助  
者數如鄉需取諸民之願輸者無強其所不便城之制  
南北二百二十丈東西袤半之基廣一丈八尺高一丈  
九尺作南北二門制以三重東西二門象之又作小東  
西門重其二以從便也城上作樓四樓各三楹臺堞俱  
備又於城下作道墮墮內作道墮深二丈廣五尺道視墮  
為廣城內亦作道墮視墮深凡城墮所占田又括其租  
值而償復之罔窳民用不以病焉功成之日遠邇胥懽  
由是鎮人大夫士抵書於京屬為記余惟二公敦信愛  
民之心罔間而終始誠事則同故並著之督工事者經  
歷楊宦千戶高登鎮協  
工人士附諸碑陰云

### 曲周縣

城周五里十三步高二丈四尺廣九尺門四東曰崇化  
西曰永安南曰景盛北曰拱辰池深一丈五尺闊一丈

四尺

舊志

舊無城明成化四年知縣王佐始築土城正德

七年知縣丁鉞增高改築如今制并建戍樓濬池嘉靖

間知縣牛斗引淦水入焉二十二年推官羅薰

舊志作鼎誤

甓城堞萬歷間通判江中淮知縣高出王祚昌相繼甃

以甃舊有東西甃城四十六年知縣趙蔭昌增建南北

甃城

舊志改築甃城作趙蔭昌增南北甃城作李巖非是

崇禎間知縣李巖

國朝順治間知縣李時茂各有修葺

雍正通志

乾隆間知縣陸

拱辰勞宗發重修城樓嘉慶間知縣奚繼徽劉雲引淦

水入池尋廢同治三年知縣王延桂於東橋迤南開闢

挑濬引河導水注隍

縣志 明童緣記略曲周舊無城郭邇者王君來宰是邑將有事於

經政略

城池

五

興築焉適朝廷命下俾京畿近地郡縣之無城郭者增築於是君志益堅乃庀工於戊子之三月十五日民皆樂為之役不踰月而告成建四門皆以鐵為之其上各架樓三楹為飛觀城之外有溢河去縣治四百步源出河南磁州西南流經廣平四縣界下入洛河車騎往來渡以方舟行者病之君復慨然為己責乃為輿梁旬日而落成入利於涉此皆王君躬勞率下悅以使人量功命日可謂難能矣君名佐字良輔雲中故靖遠伯之裔孫幸深澤復任是邑方三載而其政教之著已如此是皆可書國朝勞宗發記略曲居平原無高山大川之限惟恃垣墉屹屹以壯金湯余自乾隆丙寅春三月來任曲安周覽城垣雉堞完好惟東西西北三隅間有損壞蓋前人築土易甄漸加鞏固而修葺繕完固不能無待於來者矣繼閱城樓則東向堅整餘悉敗瓦頽牆壁立城上詢之吏胥僉云某令以疾故或形家言盡毀以厭之嗟乎毀之何其易成之何其難也乃捐俸葺其三之廢圯者閱兩月告竣是役也所費半取諸公半則捐俸入之不敢累吾民昔人云居官如傳舍余正慮其傳舍也失今不治迨至去官一無所事司土之謂何工既畢別顏四門之額書工之日月勒石以為之記 趙大山

記略曲城創於明之中葉萬歷間邑令馬公重修歷年久遠風雨侵蝕向之巍然屹然者今則有若覆屋辛酉歲東寇猖狂曲邑首先被難固劫運使然亦由藩籬不固守禦難憑不得盡諉諸氣數也是歲夏五月今太守蔭軒余公攝篆斯邑爾時賊氛尚熾不暇給越明年我侯待旦仗劍先驅而欲重樹藩籬日不暇給越明年我侯秋卿王公來撫是邦下車伊始周視城垣慨欲興築因軍書旁午伏莽時興意不果行今幸烽警少息二麥有秋乃邀商同城教佐營汛招集紳耆爰籌經費適值蔭軒翁巡疆到曲尤賴剴切勸諭於是秋卿邑侯首捐清俸為一邑倡延紳士之賢且才者司其事接畝出資分段授工陷者發以輒兀者冠以雉傾欹者砌以土石一時斤者斲者圻者築者皆踴躍趨功鼓舞從事不數月而工竣由是瞭望則有樓睥睨則有堞發號而警眾也則有鐘鼓鼙爾彈丸固若金湯然則斯城之修固不僅為曲邑幸也而已先為曲邑幸矣 案是記言萬歷間邑令馬公重修攷舊志及曲周新舊志皆不載未知所本

肥鄉縣

城周五里一百十八步高三丈舊志作二丈廣二丈舊志作一丈

門四通志東曰玉川西曰長樂南曰陽和北曰永安

池深一丈闊二丈舊城在列人隄東後移隄西宋熙甯

間築明正德間漳水衝毀知縣張博古重修嘉靖十二

年知縣梁承福甃其堞三十一年知縣潘鑪增築水溝

角樓天啟二年城圯於漳知縣王國祚修葺崇禎十二

年知縣郝綱改建甌城明李燧有記

國朝順治十八年知縣張翼補修甕城康熙四年漳水溢

城盡圯寄治城東舊店營雍正九年知縣王建中捐築

土城並濬池遷復舊治舊志乾隆三十二年始甃以甌添

建城樓四咸豐十年知縣楊毓枏重新內外牆垣四城

樓並添建外城門及礮臺鋪舍濬池改建弔橋同治五

年知縣尋鑾晉再濬池復於外岸栽棘刺以固隄縣志

梁桐記略初黃臺吉寇京師飛檄報警邦畿地勢坦直

無險可據守民相視奔散撫臣乃督守令修城池築墩

堡以壯形勢固人心至慮也我縣令潘公屬民而告曰

肥去京師僅千里當設備惟土城水溝不具雨積輒圯

門樓傾折難障風雨吾將修補之厥庫儲蓄備調支吾

不敢耗歲歉民艱苦吾不敢重斂當捐俸以成之作水

溝四十條角樓四門樓加修飾四閱月告成時嘉靖王

子冬十一月翼翼乎壯哉縣矣縣屬廣平府亦土城

前太守封邱陳公組大聚甌石砌之為名股肱郡足以

羽翼京師矣公力成此役是為郡增羽翼也守令眞得

人哉國朝王建中記略肥鄉古衡漳列人蒲地戰國

時為趙境縣治居邑之中四方至者道里均焉其沿建

創置載在志書可考也康熙乙巳秋漳河泛溢崩壞城

以為治所福迫狹隘制度荒陋倉庫監獄悉無防衛人  
 大不便迨後漳水南徙大名界數十年來肥鮮水患舊  
 城土脈墳起而高眾咸思復其所雍正庚戌秋余承乏  
 斯邑巡井里見茲舊治適中宜民而地氣葱鬱騰秀有  
 煥發之象因與紳耆重謀修復余首倡捐廉邑人士踴  
 躍投資給役不戒而集諸生宋錦等司籍董工旬稽出  
 入經始於辛亥之三月十有三日建四門門各冠以樓  
 繼建縣署若庫若獄悉完且固他如巡按行臺兩學宅  
 舍弁兵營房亦以次興舉十月農隙小春爰議浚隍為  
 城城高十有八尺厚八尺計周五里一百十八步按社  
 分工民樂趨事閱兩旬而告竣辛亥十有一月紳士固  
 請遷居徙之日老幼趨觀充衢物奉賜攜榼以迎者  
 十餘里許邑人士環向而言曰茲治之圯而東徙也幾  
 歷年所矣前之官斯土者俱視為傳舍誰肯肩荷此任  
 而惟公明決始能勞來匡直未期月而使七十載舊邦  
 重新成此不績是大有造於吾肥者也誠不可以無記  
 教諭賈廷梅訓導趙時傑典史鮑守德皆有捐俸相工  
 之助例得並書 朱錦記略康熙乙巳漳水暴漲陷場  
 城垣城中之官舍民房學宮隍廟盡屬泥封不可復識  
 而縣治遂東康熙己亥前令王公能任謀之紳耆請諸

上憲慨然捐俸修復鳩工伊始適奉使解運西陲邑人  
 程學禮宋應魁等監修前後兩堂入楹內署樓房十一  
 間美哉始基之矣未克底成厥績若有待於我公也公  
 甫下車以查倉詣茲土觀形勢相規模躍然興起曰此  
 雄域也舊店營之湫隘不及此萬一所見與前令同而  
 剛果信敏過之閱明年辛亥二月上丁集眾建議首輸  
 養廉百金以為倡生員李之綱等莫不踴躍用命為之  
 募資財聚木石瓴甃諸物料以贊公之大舉始於暮春  
 之月而告成於乙陽之初猗歟盛哉何其神也非公之  
 剛果不撓於物議大信足以勞民勤敏足以任事烏能  
 不疾而速無所窒礙若斯哉 趙文濂記略肥鄉自雍  
 正辛亥錦川王公鑿池修城移復舊治迄今百三十年  
 濠漸淤平城垣傾圯尤甚者內牆殘缺數百丈是不可  
 緩之工也咸豐己未湘南楊樹屏明府抵任頻年旱蝗  
 勢不暇及庚申八月召紳士李占魁張夢星王琴堂分  
 段監修未踰月而畢工於是殘缺者粗完而人不能通  
 行矣辛酉二月山東教匪倡亂肥鄉正當兵衝樹屏劉  
 光陸共議城守四月賊入縣境而防勦兼施幸無事八  
 月秋收甫畢仍飭三人分段興工迄九月而內外牆之  
 場陷處一律完整矣十月挑挖城濠計丈尺量遠近村

分工以均勞逸衆志咸奮裏糧羣集五日工畢濠外遍栽棘刺以固隄岸而資捍衛惟牛馬牆尚未修妥十一月賊從臨清渡河直抵城下難民入城者咸得安全同治壬戌鼎新四城樓內外牆垣癸亥正月添建四門城樓及改建弔橋二月賊復入縣境四鄉焚掠幾遍城中難民三十餘萬人賴以安堵如常賊兩次撲城且戰且修工未停止又以風雨時至城守維艱修城上窠鋪十二座及牛馬牆迄五月以次葺事而城池頓復舊觀挑挖城濠民捐民辦經費不計城工經費計銀若干樹屏捐廉倡率之光陛勸捐足成之並在事諸公皆與有勞焉得備書於碑陰

雞澤縣

城周四里

舊志作五里

一百七十步高二丈

舊志作一丈

八尺廣

一丈四尺

縣志志作三尺

門四東曰望魯西曰通晉南曰迎

薰北曰拱極池深一丈五尺闊二丈舊志城在隋唐徙置

不一金初寄治北擡頭村大定中創築土垣元至正十

五年縣尹霍安道重修並濬池明成化十八年城沒於

水知縣譚肅修增甕城戍樓宏治十八年知縣邵錦正

德五年知縣銀鏡相繼修築嘉靖十一年知縣周文定

重建南北城樓十五年知縣于慧重建東西城樓二十

年知縣曹希魯濬池三十六年知縣張廷槐易堞以甌

增建鋪舍四十二年知縣常世勳重建東西城門萬曆

八年知縣張受道二十年知縣曹孔榮各有增修崇禎

十三年知縣賈益謙改建甌城高廣如今制

國朝乾隆十六年知縣王光燮濬池自邢家隄引溢水入

之通志 同治二年知縣李金堂重築城垣池加深廣

廣三丈至五丈深八九尺至一丈不等 光緒十六年知縣錢錫案補葺南

門西門甕城復於濠岸植柳縣志稿 明侯廷訓記略

興修廟學諸觀宇相繼一新若夫齋舍城樓蓋亦有志

郡由曲周以至雞澤後三日謁於學而生徒以齋舍告

及闕城池而門樓隘且圯爰進周尹語之曰夫天下之

事皆成於能任而壞於自私其在郡邑尤易見也避嫌

者樂因循而好事者多紛更其圖之適有吏農告

奉例省榮者七人遂命以資費周尹喜躍為齋舍在廟

後者十二在明倫堂後者三又為城樓二北區曰拱辰

志尊君也南曰迎薰志恤民也得設險固國之義矣

劉錫記略嘉靖癸亥畿南大水雞澤獨甚葺爾城森然

在巨浸中東西兩門盡圯行人梗道筦鑰弛防幾不能

邑明年六月涇陽地山常公來視篆蘇困救瘡痍漸復

歲復大稔公集諸父老告曰爾諭富人各捐貲助料貧

者應役諸父老慨然曰諾越日公乃量工給役始於十

月朔日畢役於十一月煥如峻如壯哉城也爰泐諸石

以垂不朽

廣平縣

城周三里六十八步高二丈廣一丈門三東曰啟陽西

曰美利南曰保障北無門有樓曰兆元池深一丈五尺

闊三丈舊志城在金元時遷徙無常規制未備明洪武二

年始治今地天順中創建土城成化三年知縣何琮增

築城門建樓鑿池嘉靖間知縣寇陽萬厯間知縣陳鑿

王一龍各有增修崇禎十二年知縣張宏志改建甌城

國朝順治間增築護城隄康熙四十二年漳水溢城盡圯

移治於城西北建修新堡五十年復移舊治仍築土城

同治三年知縣楊汝為因舊基修築縣冊明

通志 山東膠州何公琮來知邑事持身廉謹聽政明決勞來安定而渙者以合撫摩休息而困者以蘇營作之始繚以周垣次及門池始於成化丙戌之仲冬功畢於明年丁亥之季春傾覆者於焉而完固狹隘者於焉而寬廣其東西南昔未有券與樓也今則發券構樓煥然一新大勢嚴正足以聳觀瞻堡池伉峭足以望消汚穢彈惻摠忠不辜委任又有二尹于公聰以協恭之民樂趨其事而無怨恫之聲孰不誦其處置時宜而成功之速也特記之以張其盛 侯廷訓保障樓記略御史傅公按廣平登城東樓見榱崩楹摧半就傾圮顧寇子而言曰是豈重坎設險以戒不虞之義哉曷亟圖之寇子唯唯而退經之營之庶民攻之五閱月而後告成樓高凡三丈有奇重簷複楹屹立於寅賓之陽四角亦樓各一區列峙壯麗自得威遠之勢既乃走書告於余請記且議區其樓曰保障以無忘公教遂書而刻之石 李養正記略邑城自江夏陳侯再行完治距茲已廿年矣丁

未秋霖雨為崇漳水泛漲波濤洶湧趨城市如壑敗垣之下皆成江河維時河北王侯諱一龍者率父老子弟冒雨出郭數里塞其決隄周環補築邑民幸免其魚而浸灌日久城遂因之潰裂越明年春侯請于當事重加修治檄允所請侯即考卜經營宵旦揆畫簡吏人鳩匠作授以成計且嚴之董率閱三月而工報竣約城圍三里許堅厚牢密敵樓五角樓三鋪舍十有五新增甕城營房凡六文昌閣舊在北城侯意在興賢移於城之巽隅以起文峰是役也餽贊取諸里之素封每戶不過數百版築取諸里之贖緩悉與市相值若故民勞而不怨事取諸犯科者之贖緩悉與市相值若故民勞而不怨事易而功舉侯之為謀遠為利溥哉因識之以示永久

邯鄲縣 城周八里高三丈廣三丈縣志稿作厚半之 舊有門六後改為

四東曰瞻岱西曰環沁南曰帶河北曰迎祥縣志稿作拱極池

深一丈五尺闊七丈舊志 畿輔通志作二丈 古趙國城在今城西

南今城建自明洪武間南北不及二里東西不及半里

成化二年拓東北隅三里許雍正通志 縣志稿於城南北各拓半里許即於拓

處關東西正德六年知縣張偉建敵臺樓櫓嘉靖十年

知縣趙時吉始鑿池塞東西四門復酌南北之中東西

各開一門二十五年知縣董威重建門四復拓舊基即

今制隆慶六年知縣張第增修

國朝康熙七年秋雨城圯知縣張慎發補築乾隆十五年

知縣懷蔭布重修完整同治初知縣英榮侯國鈞相繼

修葺畿輔通志 明唐彝記略邯鄲城建自洪武今

葺茲邑百廢具興歲辛未流賊猖獗公觀茲城不堪保

衛亟請於撫巡決意營度分工修築不三旬就緒高踰  
三丈闊二丈圍一萬五千六百有奇門六東西者四南北者二悉有樓櫓  
則二千四百有奇門六東西者四南北者二悉有樓櫓  
門旁復置墩臺城西沁水迫城改去半里許以防衝決  
城東叢臺突兀恐賊據以窺我即於城中建對敵樓勢  
與臺相當工肇於九月之朔訖於十月之望十二月十  
五日賊突至公著戎服率精銳循城堅守賊欲近門而  
臺制之登叢臺而樓制之已知有備乃引去秋毫無犯  
焉邑民張瀚等謁余曰茲城圯久矣非我侯孰成之今  
遠余惟政美於一時而不可久者必假言以宣之今公  
之績建於一時而垂於百世者似無假於言也但恐後  
之人知功之成而不知趨事者之樂知功之大而不知  
成於旬日之間知其請而無恙而不知置其身於生死存  
亡之際余故得從其請而書之袁煒記略正德辛未  
薊盜內訌流劫郡縣守土者懼乃築城捍衛顧役與於  
卒勢弗克堅已霖潦相蝕旋齟齬然地矣迄嘉靖己亥  
關輔戒嚴有司雖稍繕葺葺葺然於緩急無可恃乙巳  
春邯鄲令董君威以調繁至自魏初閱城歎曰清風至  
而城郭不修入其郭者可以觀政矣正在營度間適是  
歲夏月侍御裴公紳奉命大巡茲土愕然曰是邑燕趙



之要道京師鎖鑰地也即崇城嚴扉猶虞孔棘矧茲弗  
戢奚以奠民而捍外侮耶遂以役屬諸令以公命咨  
於郡守唐君曜於是量修短計厚薄程土飭材綜畫區  
明出帑金三百募壯卒三千人以資之議成率主簿李  
霖典史齊宗儒諏吉興工經始於乙巳之季秋越丙午  
三月竣事蓋浹六月而城成矣城周八里基厚三丈高  
如之敵臺二十有五鋪舍三楹以甃登女牆千五百八  
十有九四隅各構危櫓門四各券層城東曰瞻岱西曰  
環沁南曰帶河北曰拱極環城有池護城有堰蓋足以  
禦民威暴壯氣襄武內境恃以無恐而外侮莫敢窺伺  
矣於是郡之士民僉謂宜伐石樹碑紀其功以垂永久  
乃以侍御命屬言於余余樂觀城之成也不辭而為之  
記 國朝崔華山記略吾邑自明洪武初建城迨正德  
辛未嘉靖丙午間屢經修築數百年來風雨剝蝕缺處  
如山徑出入不由門者蓋數處咸豐辛酉東匪屢擾咸  
被蹂躪同治辛亥英公戟門莅任吾邑甫下車六日而  
賊突至公率眾登叢臺以禦時賊屯城東北蘇曹等村  
距城僅五里許偵知有備因而北竄公即派民濬濠負  
畚鍤者蓋數千人焉時華以新築寨堡告成於公公曰  
翳爾有寨可守奈城何若修城其助予華唯唯而退甲

子夏公以修城請諸各憲均可之首捐廉二千金為民  
倡民之輸將者絡繹不絕分段興作派華等二十餘人  
分任其事工未竣公以憂去後任侯公价屏協力以終  
其事是役也始於甲子秋告成於乙丑夏城基高厚仍  
舊制惟添建礮臺三十  
珠口二千一百有奇云

成安縣

城周三里有奇高二丈五尺 舊志作三丈有奇 廣一丈二尺 舊志

作八尺 門三東曰善政 舊志作大東知 西曰輔政 舊志作

縣萬文 南曰迎薰東北隅小東門曰挹暉無北門有樓

曰德勝池深一丈五尺闊三丈 縣志 舊土城明正統中知

縣張雲因舊址重築成化四年知縣劉堯闢小東門建

戍樓於各門之上嘉靖二十二年知縣鄭寅易堞以甃

建角樓濬池二十五年知縣萬文彩濬池植柳四十三  
年知縣劉希尹萬曆十二年知縣李瑄三十二年知縣  
劉永脈相繼增葺天啟六年知縣彭希賢重修城樓崇  
禎八年知縣曹養鯤建東門橋築敵臺十二年改建甌  
城

國朝康熙十一年知縣王公楷重修東城樓又築東南護  
城隍乾隆間知縣趙元祚梁德長嘉慶間知縣孫培曾  
先後重修咸豐十一年知縣尹佩瑄濬池同治初知縣  
何芳李金堂錢敏各倡捐修葺  
畿輔通志參舊志  
明陳廷謨記略成安雖  
彈丸實麗在畿輔亦重地也其東西暨南門建自正統  
之四年維時城闔僅以坯甃角樓窩鋪多未備至成化

四年又闢小東門便百姓嗣是荒陋相襲日就傾圮及  
我侯來牧益不堪觀又且漳流為祟而東西兩門斷棟  
懸磯幾幾欲墜無論守莫能禦保莫能息卽冠蓋經遊  
其下亦凜凜憂不測然而時方公私告匱搜括幾盡侯  
乃日夜焦籌首捐清俸為士民先邑之紳衿素封亦各  
輸工料有差侯乃鑿坯為址躬親區畫遴能督率匠有  
稟夫有既一皆我侯仰給於是軋軸鞏基摩甃定極  
不日而嚴嚴翼翼東西揖拱屹然豎千秋壯觀焉是役  
也經始於天啟六年三月告成於七年六月時余適奉  
命過里城士民方磨石厲金以志不朽因為之記  
朝王夢熊記略成安屬畿輔南鄙接壤豫省咸豐十一  
年邑侯尹公佩瑄因城垣傾圮意欲修葺眾難之僅令  
邑紳王儉等鑿池干丈有奇暫為警備同治元年秋何  
公芳來守茲土冬十二月東匪張齊珠猝竄邑境人不  
知所庇惟守城者坐獲安全明年春正月公約城鄉紳  
耆議修時家君署望都教諭還與劉清傑先修南城為  
一邑式公欲按畝分工率作興事家君曰畝有定額工  
難概論不若較村之遠邇計災之重輕酌段之難易定  
工之多寡斯為至均至平公曰善迺披圖籍編段次授  
丈數頒程式眾情悅服北路紳耆馮際隆丁致瀛西路

紳耆韓五惇朱孔堂先築以率鄰村東南兩路亦相繼  
踴躍當商修東門樓鹽商修西門樓其餘諸商修南門  
亦如式後李公金堂攝篆復令濬池道錢公敏來任始  
告葺事城垣周八百四十七丈二尺外甃以甌內築以  
土廣輪之數為七里有奇高二丈五尺上寬一丈二尺  
下兩倍之堞一千三百五十六池周一千九百丈闊二  
丈五尺深一丈二尺七年春二月因張逆之亂錢公復  
濬池加深廣焉成安雖蕞爾小邑而固於金湯矣用撮  
其顛末而為之記

威縣

城周六里六十四步高三丈二尺廣三丈門四東曰迎  
和西曰迎成南曰迎薰北曰迎恩縣志池深一丈二尺闊  
二丈五尺舊志舊城高一丈三尺厚九尺明成化間知縣  
李圓王政相繼增修宏治間知縣劉鎰補葺正德間知

縣姜文魁崔節重修增高如今制建城樓角樓甕城敵  
臺嘉靖四年知縣錢朮增修外郭高一丈廣如之二十  
六年知縣胡容濬池隆慶三年知縣焦冕易堞以甌萬  
曆二十一年知縣史學遷

國朝順治三年知縣袁天秩康熙十一年知縣李之棟各

有修葺

畿輔通志參縣志明陳璉記略威隸北畿  
址頗宏遠但累數十年不葺不興凡百公宇類皆傾圮  
大尹王侯於成化辛丑仲秋來知邑事未幾即修城池  
編民為數十堵堵百餘人並手偕作侯巡視日三四次  
廣袤伊滅而周圍有堞四門有樓城上又立小鋪十數  
舍凡經二旬功悉就緒繼此學校則蓋兩齋縣治則翼  
中門蓋前後堂立太僕寺之前後二堂鋪舍郵亭靡不  
如制以至養濟有院鄉舍有學旌善申明有亭馬廐子  
粒有倉闕街衢立四關此其所散而新之者至如察院

倉庫南北壇舊貫可仍則仍而葺之財不費民不勞而庶績咸就鄉老張聰輩相與請予記之使後之觀者有所考焉

清河縣

城周三里高二丈廣一丈五尺門三東曰拱極舊志作望日

西曰晚翠舊志作美利南曰迎薰無北門縣志池深一丈廣二

丈舊志舊土城周九里宋元祐六年監官趙薦之築後圯

明正德七年同知何宗伊知縣張一鵬於舊城東南隅

重築卽今制雍正通志嘉靖二十年推官王堯日修垣濬池

二十九年知縣孟仲遴萬曆五年知縣向日紅各有增

修十一年知縣張民綱改修甃堞十八年知縣王守禮

崇禎十一年知縣曹亨

國朝康熙十一年知縣夏琮十四年知縣盧士傑先後重

修畿輔通志參縣志

磁州

城周八里二十六步高二丈五尺廣一丈門四東曰迎

旭西曰慶成南曰景嵩北曰拱極舊志池深二丈闊四丈

州志舊志作深一丈二尺闊六丈舊土城相傳趙簡子創築隋開皇十

年改築宋時知州宗澤重修明洪武二十年知州包宗

達復修成化間圯知州張夢輔重築正德六年知州顧

正增築南北二重門並濬池十三年知州張珂重修嘉

靖二十六年知州李用中增建南北甕城萬曆二十四年知州劉安仁登以甕石舊止南北二門增築東西二門並建城樓崇禎十一年巡道祝萬齡增建東西甕城

畿輔通志參縣志

國朝康熙二十四年知州任塾三十八年迄四十四年知

州蔣擢各有修濬同治二年知州高錫康葺東西城垣

十二年知州程光澄續修續州志明劉戩記略成化

水俱溢壞公私廬舍磁州城漫漶傾圮存者十有二勢岌岌將仆知州事張侯夢輔顧瞻咨嗟謂天下雖安無備乃患遂以聞於道適副都御史趙公文博撫治河南因下其事責成於侯侯勤夙夜一心勿度材之所宜出與工之所宜役要之不弊於民民大喜荷鋪負畚趨事恐後經始於十九年八月閱月告成環城樓堞煥然改

觀其鄉儀部主事閻公天敘請予為記予聞磁古邯鄲地其有城郭自趙簡子始蓋當時所恃以敵強秦震撼燕齊韓魏者至宋時崇澤修之猶足以抗金人方張之師其險阻可知矣然則張侯之用心於此真知所先務矣因書其績而記之于若瀛記略磁守劉君既分溢水為渠建開灌田盡水利矣則蒿目磁民已食之胡恃以防之於是請曰豫八郡鄴為北屏鄴七州邑磁為北屏舉全豫惟磁障之又北控趙西鄰晉丁子午道古今必爭之域國家分潞州千戶所守禦其間意深遠矣二百餘年所恃土覆也守土者奈何轄一日之役失百世之險說者謂土覆二百餘年所矣豈無所慮慮動眾徵役百姓耳矧時詘哉守曰不然詘則詘矣能亡徵役百姓亡久動眾亡虛帑金藉嗷嗷者城藉城起嗷嗷者不兩利哉亟請諸御史大夫趙公與直指陳公議既定余從河上調河朔首詢磁父老子弟曰請城與仍舊貫孰便磁父老子弟亦云無難守以度於茲議其必成也守嘗開濬水利食我矣我食之不知所自出也胡難防我哉先是城東西門守禦者晝夜嚴斥埃省樓櫓力不逮也遂廢之不加小而東西郭血脈不流貫盍恢復此兩門為完城實惟監司與守之惠於是守遂營焉圖石於

山圖灰於石依城而審深隍為範自七月至十月城成  
增以兩門磁民大悅計費七千六百四十五金動官帑  
計工雖三月除風雨輟工實七十有三日耳敷敷者日  
藉三十錢糊口全活不可以指數事竣磁民謂余按察  
河北三郡上觀厥成宜有記余曰磁城二百餘年所土  
覆之耳茲茲土者不知其幾乃亡敢請者惟是畏事長  
吏憚於謀始不則虞大役難竟也今亡徵役百姓亡久  
動眾亡虛帑金且藉城起敷敷者而不阻於一時之議  
成百年之險卒符御史大夫直指兩公言亡失磁父老  
子弟之望與分木建閭之議兩決兩利而百姓忽自有  
之不知所自出也可以記之 國朝程光滢記略民果  
難與謀始乎磁不應復有此城也民果不難與成事乎  
磁又不應今日始有城也蓋嘗反復於其際知事無不  
可成而遲速難易之故似亦有數焉存乎其間道光庚  
寅地震十僅一二存其存者亦岌岌若將仆以工鉅費  
繁時方國帑空虛有司不敢請居民不安枕者垂三十  
年今 上御極之元年刺史高公錫康權斯篆甫下  
車首建成城之議時捻匪采景詩糾亡命肆焚戮乘虛  
累薄城下紳民亟懇息之議遂定磁地八千頃有奇分  
繫四十二約凡大小徭均勻抽派眾不擾而事易集此

舊章也刺史仍其舊不役一民不加派一錢民稱便以  
二年三月鳩工興築乃事未半而刺史解任去工旋寢  
越十有餘稔辛未夏五月滢捧檄來斯土有問吏以閱  
城請往視之為歛歔者移時顧以京兆五日且連年歲  
歉仍未敢驟議興作也明年秋大熟乃以暇進父老子  
弟而諭之曰向者我欲濬斯濠矣而濠濬我復欲除斯  
道矣而道除幸爾父老子弟之不余疑也能用命也方  
今巨寇雖除伏莽未淨城之亟須圖成也豈特除道濬  
濠已乎余亦欲師往事無役爾無多取爾期與爾成此  
城其助我乎僉曰如大夫言則磁人福也於是上其事  
於大府報曰可賞則仍集之衆人則悉求之舊誦吉以  
癸酉二月朔興工凡九閱月而十年未竟之工於是乎  
竣計圍長一千四百八十五丈高二丈五尺樓高稱是  
南北月城各三東西二二役也始終規畫全局不務瑣  
屑不避嫌怨以成此巨工則明經張子守謙王子鶴鳴  
力居多焉若講明大義激勵人心督催彈壓勿懈初終  
則同城教佐營汛均有微勞願人心督催彈壓勿懈初終  
分中事不得與二三長老爭尺寸也概從略焉事竣董  
事者求記因敘  
其巔末如此



花池又南為菊圃三堂北為內宅亦曰四堂西為西四

堂宅後鎮樓今名浮青閣房册元末燬於兵明初知府史

昭重建萬厯間知府蔣以忠崇禎間知府程世昌重修

國朝順治間知府許文秀張思明康熙間知府沈奕琛先

後增葺乾隆六年知府任業八年知府吳毅相繼修舊志

嘉慶元年知府蕭和韻道光五年知府蕭光浩十八年

知府周岱齡十九年知府沈濤二十七年知府王桂同

治三年知府楊毓相五年知府李朝儀八年知府長啟

光緒十一年知府佛爾恭額各有修葺十五年知府吳

中彥將署內外一律重修添建西花廳改建幕寮各室

創造園亭池圃並於照壁兩旁增建東西轅門十六年

重建署東南鐘鼓樓房册沈奕琛記略廣平隸在

蕪穢不治者有之予於乙卯五月來署越夏秋時雨洩

旬衙舍之堂廡漏溼垣壁傾頽者強半不得已而加修

葺迺度其緩急捐俸廩視工作不勞所屬之吏民以漸

治之盈月而告厥成其規模仍舊戶牖增明改庖湔而

為軒事者則西南隅之書屋三楹也關草土而為公廨

者則西北隅之圍房十五楹也內以親案牘旁以棲胥

隸回視前此之糜朽其中空閒其外蕭然如環堵之狀

或於安上全下之道庶幾咸宜矣因記之以告後之君

子蕭光浩重修鎮樓記署後樓五楹不知建自何時

樓脊標書大明崇禎戊寅仲春吉旦壁間有知府程公

世昌因是年正月回祿重修小碑記考程公為郡名宦

後官至巡撫碑尾督工官干總杜維棟杜郡志闕名距

今已一百八十餘年屋宇率滲漏斜傾勢將圯余因捐

廉略加修葺悉如舊式時道光五年乙酉十一月朔也



隘思修葺之適去任未果同治己巳夏復守斯郡始因  
 水旱偏裨簿書鞅掌繼以文廟試院義倉諸鉅工次第  
 舉行未遑議及己卯冬友人倪振甫通守夜感夢兆倡  
 議重修余以修舉廢墜司土者之責也遂鳩工庀材經  
 始於己卯十月至庚辰三月而葺事築臺為基高八尺  
 上建樓三楹明窗四達遠望斐紫諸山排青疊翠如挂  
 几案間近則雉堞掩映萬瓦鱗次庶可以壯形勝而妥  
 仙靈名曰浮青閣並記其顛末如左  
 吳中彥記略  
 皇帝十有五年己丑余自易州改守廣平三月十二  
 日到郡見署前有三輔襟喉木坊其下土屋鱗次皆郡  
 民侵佔署地作小生理者局促喧囂車馬不能迴旋幾  
 不知中有府署在焉既入署周視各處房舍年久失修  
 木朽牆傾四堂上房坍塌尤甚竟難棲止爰假民房暫  
 作辦公地出示令民間之侵佔官地者寬其既往限以  
 時日遷移拆讓即於接篆日先將四堂上房開工更造  
 四月二十六日工竣攜眷進署而署內外若刑錢房書  
 啟房會計房馬步皂三班房大廚房馬號房均殘破不  
 堪其餘大堂二堂大花廳家人辦公各房亦須擇要修  
 理工大費繁一時無力籌此鉅款迺稟請藩憲借廉修  
 署准領銀六百兩於是分其緩急陸續興修自頭門儀

門起築引路開地溝將舊刑錢房改作西花廳移建刑  
 錢房於西偏之北屋後添建朝南房三楹以作幕友之  
 內室又於西偏隙地斬荆棘除瓦礫圍以牆作小園鑿  
 池構亭雜蒔花藥竹木為公餘憩息之所大堂以及二  
 三堂等次第整理殘者修之缺者補之以期苟完而已  
 外則三輔襟喉坊架以新木壘以新石丹青彩飾頓復  
 舊觀並於照壁兩旁添建東西轅門計自己丑三月經  
 始至辛卯十月歲事時閱三載修造房四十二間暨各  
 處修整工料共用白銀二千四百五十三兩有奇除署  
 前木坊係十屬觀瞻借資各州縣攤捐銀三百九十兩  
 其餘均捐廉為之故於落成之日詳記其顛末如此  
 吳中彥重修鐘鼓樓記郡署東南隅舊有鐘鼓樓志書  
 謂以司啟閉之候者是也而形家以為與文廟之奎星  
 樓文昌閣並係郡屬科名歷久失修郡人戚焉同治初  
 楊公毓柎為郡守百廢具舉將重修之既集貲矣尋以  
 書院工費不足移以補苴之不果修今  
 皇帝御極  
 之十五年申彥承乏是邦郡署傾頽不可居捐廉與修  
 今歲得苟完而是樓久為廢址咸以重修請爰順輿情  
 率屬捐廉重建如舊制經始於仲春三閱月而工竣落  
 成之日進郡人士而告之曰樓之建也僉謂有利於科

名爾多士亦知人以科名而重乎抑科名因人而重乎  
我郡人才之盛自漢魏以來多有見於史冊洪惟我  
國家深仁厚澤養士之優軼於前代爾多士讀聖賢書  
果能深曉乎明體達用之學以博求夫致君澤民之術  
異日人文蔚起處為真儒出為名臣豈不為科名增重  
而為邦家光乎若但以無本之學求速化之方幸而撥  
高第登巍科不過志在溫飽以誇耀於鄉里之間而已  
則非余今日所以重建是樓之志也眾皆曰善爰敘所  
言以為記郡之士苟不以余之不德而廢其言也即  
以斯言為暮鼓晨鐘焉可乎是役也計費銀八百肆拾  
兩錢肆百拾捌干玖伯伍十文凡捐廉者具勒碑陰董  
其事者郡紳五品封職范悛鴻臚寺序班武用咸也

案舊志大堂兩翼有贊政廳左架閣庫儀門外東有  
寅賓館西有囿園所今皆久廢又採訪冊浮青閣後  
有大土冢相傳為地皇廟云

河務同知署在府城西四十五里臨洛關道光二十二

年本舊通判署改建同治九年同知林世俊捐廉購地

於舊址之南創建新署即今地房冊

經歷廨在府治西舊志僅存基址光緒十八年知府吳中

彥督同經歷臧良圻重修房冊臧良圻記府治之西

也自成豐間失於時修上雨旁風日益侵蝕迄今三十  
餘年垣圯棟折滿地蓬蒿衣冠之場為瓦礫矣光緒乙  
酉余以史館議敘授斯職既莅任無可棲止稅民舍  
居焉湫隘偪仄無復規制而夙暮趨公尤多不便每思  
修葺舊署苦於款鉅難籌輒復中止己丑春府憲曉滄  
吳公來守是邦新猷彪煥百廢具興晉謁之餘恒以廳  
署廢荒為念且日即事有序終必為若成之闔三年壬  
辰孟春乃為請諸藩憲以是缺十年廉金四百兩借用  
捐修而核計所需仍未及半公慨然率屬捐助於是鳩  
工庀材延郡紳董其事不假胥吏丁役之手自春徂夏  
六閱月而告成計修廳事三楹為辦公之所照壁大門  
儀門各如式班房內宅悉備共為宇二十一間周圍牆

垣一律完固既歲事客從而落之有為之言者曰平地為山夫人而難之今吳公以大公之念不以難阻不以久懈不以人已分不以施與吝是署也廢而復興功成一且利賴百年其德厚矣念哉謹對曰唯唯不敢忘課工督率紳董之力也若蘇君懷福武君用章范君愨苗君在田武君用咸諸君子總理精詳始終其事吳公之議諸君子實克成之念哉謹對曰唯唯不敢忘則又有肅然而起揚鱗而言者曰國家設是署也以爲公也吳公盡其心諸君助其廉用其勞亦以爲公也君惟竭誠奉公善於職斯無負矣苟以爲私惠於己日相親比則又非也念哉余作而拜酬之酒而應之曰唯唯謹受教雖然余亦有鄙見焉夫勤於趨事公也事有餘暇職思其居補葺以時勿使頽壞以貽來者私而亦公也今以茲署廢荒重塵上官慮勞心費財用成斯舉又重煩諸君子累月跨時於心何安而今而後牽蘿附塗余知勉矣更願後之莅斯任者急於趨公而亦急於私之公則尤幸甚僉曰善哉爰次其語爲

試院在府治東南明萬厯間知府喬因羽以察院舊址

改建舊志同治十年知府長啟郡人武汝清李待時重修

兩文場十二年郡人高甲等重修大堂魁樓一律完整

探訪册 明杜縻記略洛州爲畿輔南郡地僻訟簡舟車罕至督學使者恒駐節焉小試則一歲至大比則三歲一至至則調兩府士來就試而一切構棚之費第吾郡當之兩府無與焉棚藉席麻輒壞輒構勞費無已時蓋吾邑之困是役舊也關中喬公因羽由夏官郎來莅郡甫下車卽捐金庀材責其成於永年令王公梅南北長二十武東西闊十四武高三丈許梁七十架上覆以瓦下實以磚石週樹以牆牆以尺計者三由牆暨簷水閣以層計者三宏敞峻固諸學人操觚來者惟是風雨燥溼可無虞其功不甚宏遠哉 國朝長啟記畧郡城東南隅有試院一區創自萬厯年間督學使者恒於是駐節焉每歲科兩試合十邑之士就試於斯顧歲月既久日漸頹敗雖十邑例有歲修之舉奈率循故常罔有實濟余昔年會權此郡有志修葺因去任未果嗣於同治己巳年復來守土越二年時和歲稔爰於前永年令錢君今永年令王君商榷興修措費庀材土木大作

延公正紳耆董其事自庚午之冬辛未之夏迄癸酉之秋兩番營造始克有成共建大門三間吹鼓樓二座儀門三間奎星樓一座東西文場共二十二間大堂五間監試內巡房各二間過廳四間上房五間門房二間看卷房十二間東羣房二十八間西羣房十二間東外官廳七間西巡捕廳南北各三間共計大小房屋一百一十七間周以繚垣宏敞鞏固計前後糜京錢壹萬柒千三百餘緡惟是十邑人士來試於斯者風雨燥溼可以無虞守土者之心庶幾乎稍慰矣

閤郡公館在府署大門西院落三處中為關帝廟左右皆有北屋三楹南屋三楹左有東屋二楹右有西屋三楹馬棚在左院後舊多圯廢光緒二十年知府吳中彥

倡率各屬捐修房册 吳中彥記畧本署西南舊有公寓一所為各屬晉府稅駕之地其肇造無碑記可考閱武廟匾額楹聯皆乾隆癸巳前守沈鳴皋題或者創建於斯時未可知也迄今百數十年棟宇

摧圯不堪棲止同治中雖補葺廟廊而東院屋皆殘破西偏已鞠為茂草矣光緒己丑春三月余蒞任後各屬來商公事者往往僦居客店人雜地狹心竊慨焉乃捐廉金百兩為倡各屬分輸鶴俸繼之自甲午三月鳩工逾月而告成共建廳舍十八楹車馬棚九楹爐竈床几一切悉備而廟宇山門並煥然一新工畢虧京錢三百緡無款可籌余復續捐京錢百緡以足之而工乃獲就余豈好勞哉亦聊盡東道之誼云

牛痘局在南大街義倉光緒十年知府長啟勸捐設立採訪册長啟記略引種牛痘一法幼幼之良方也有心利濟者輒設局施種通都大邑無地無之俾孩提之童得免苦劫而全生命其裨世豈淺鮮哉廣郡李君亦畚素諳岐黃於郡城施種牛痘有年活人無算因限於經費屢作屢輟余心憫焉爰與舒驥堂言應干兩大合羅仲卿少尉商辦勸募以資局用適春晴帆大令權邯鄲篆捐集鉅款暨永年紳董共捐京錢三千餘緡發商生息延請名醫分期施種自光緒八年正月開局已點

種數千百人童蒙得以遂生善事得以垂遠非諸君子  
保赤誠求而能如是乎爰誌顛末以告後之官斯土者  
時光緒十年五月也牛痘局章程一種痘以八日為  
期不可擁擠今定每期以五十號為度令種痘者先赴  
局登號領籤滿號者歸入下期再種一傳漿日期預先  
牌示風雨不阻一凡來種痘須驗明幼孩面色無病者  
方為妥種一還漿清稀及毒盛者概不傳點一種痘以  
傳漿為要無論何人均須還漿倘有種後而不來局還  
漿者查出議罰一漿期男女須分兩屋以免混雜一漿  
期夏日須多備茶水冬日預備火盆每期買木炭三觔  
點種時燒起俾小兒嚴冬不致受凍一酷熱嚴冬之時  
種者甚少往往斷漿須先期僱覓小兒每期多則五人  
少則三人每人給京錢四百文由值年紳董給發一種  
痘先生現正副手二人點種每年束修共二百串正手  
一百二十串副手八十串按季支給一年一送關書凡  
登號給籤皆歸二人經管每次報明種痘人數一紙送  
府以備查考仍於年終彙報總數一種痘先生倘或斷  
漿及不認真點種者一面扣除束修由值年紳董公同  
舉人稟請本府定奪另延毋得瞻徇如有事故須更換  
者亦由紳董公舉稟辦一局中收取生息支發用項帳

目稽查種痘人數多寡責成四街紳董每年二人輪流  
值年一年一換將帳目按月懸榜局門年終開四柱總  
簿彙報本府查核至每次種期值年紳董務必到局照  
料局預備飯食一頓每次準支公項京錢一千文以期  
久遠一局夫一名係與義倉夥用每月由局給工食京  
錢二千文令其常川住局伺候茶水並支應一切不許  
向種痘家索取錢文如違驅逐一本局經費共籌措成  
本京錢三千串責成永年縣文昇當成安縣義生當兩  
鋪分領每鋪京錢一千五百串每月按一分行息立有  
憑摺按季支取官督紳辦以期永久所有成本發商生  
息州縣無論何項要公不得向當商提用如當商有私  
自付與致款無著落者由該當商照數賠出並倍罰以  
裕經費一凡外縣除來局就種外其有必須前往點種  
不誤本局種期者所有車馬盤費一切均由請家自備  
一本局官為施種不收種痘家分文如  
有撞騙需索等事準種痘家在局喊究

陰陽學醫學在府治前

舊志

永年縣

縣署在府治東南大堂兩翼左庫樓右幕廳案縣志廳已廢堂

前東西吏曹戒石亭前為儀門門西為圍園所東南為

班房前為大門再前照壁大堂後為二堂堂東為庫吏

室堂北為宅門內為三堂又北為內宅西為書房東為

花廳再東為東書房東南隅為馬號北為幕室房明洪

武三年知縣陸禮建成化十二年知縣耿琚嘉靖三年

知縣孫允中五年知縣宋瑛相繼修

國朝同治十年知縣錢敏重修縣志光緒十九年知縣楊誠

一重修花廳三堂冊

案縣志三堂東有補過齋有箭道儀門東西有角門

各一座外東偏有寅賓館大門外有申明旌善懲惡  
等亭今俱廢

典史廨在縣治迤西縣志通志大堂三楹二堂三楹

西客廳三楹二堂東為書房北為內宅冊房

行館二所一在臨洺鎮北門內道光初知縣沈惇厚購

置一在臨洺驛後光緒三年知縣夏詒鈺重修縣志

保甲局在南街義倉採訪冊

養濟院在城東北隅乾隆五年知縣丁應蕙建同治十

一年知縣錢敏重修縣志額養孤貧一百九十九名輔通

志余維樞養濟田記制天下州邑置院畜老幼之孤  
處而貧者養濟之名義相承越數百年罔或易此無異

故政要諸德者可大法原諸古者可久也上世老有所終幼有所長鰥寡孤獨廢疾皆有所養貨力不必為己而男女有歸其後養幼少存諸孤令於春養衰老授几杖行糜粥飲食令於秋而周官遺人職委積則又有門關之入以養老孤噫何其厚歟 國家因明之故孤貧花布口糧載在賦役有常數永邑正糧八十名食三斗者五十九名候缺者六十名錯計歲給幾四百金每臺使者按部籍其名憲綱冊以待稽核而加賑貸焉迺者軍役數與司農殫計無術請裁省一切供費十三年世祖章皇帝軫念顛連特命給贖穀專以收養責有司十八年 今上繼位惡頑慝寬民貲則諭去贖決杖蓋天下自此治平矣軍旅且休省者增裁者復若等不遇少疾且夕何憂雖然朝廷建治立官簡畀嘉師豈惟刑管政斂奉令因循哉抑冀隨宜措施佐先後意之所不逮也易稱窮則變變則通通則久以余謬長茲土弗獲變通俾脫凍餒曷以廣王心子元元乎念先是既捐薪俸補穀不足更為曲折授餐復自咎澤垂至而待之與謀事不底於久成終苟道耳乃努力稍輸百金契地四十畝為養濟田使得薄資其產所出並使繼起同心者藉其基以可續而樞於是益識為治有體也大

臣持籌於上則重國計有司承宣於下則重民生斯田之設良屬難已豈市恩歟昔武侯論政以大德不以小惠夫文王治岐也施仁熒獨不侮鰥寡後賢舉明堂布政者必先及斯焉養濟有田庶無告者不至失所即未幾歲給仍舊而斯田賴式廓之以普潤窮黎則區區四十畝之田亦猶行古之道焉爾雖曰小惠其安敢辭

**留養局在臨洛關乾隆間知縣孔廣棣建同治十年知**

**縣宋陳壽補葺** 縣志 孔廣棣記略廣棣承乏永邑適

四方往來貧病無依者是即仰體 皇仁推廣德意為七省之通衢遠涉他鄉際嚴冬酷暑貧病不能行目擊為之惻然因度地經營創置局舍凡三十有六間視城局為稍廣越三月而次第告竣局既成計終歲養贍之需與一切款項之用謀所以垂久遠者又恐司事不得其人鮮實惠復慎選老成殷實者老分任經理而余又時加察訪稽多寡定條規以整齊而約束之庶不致法久弊生有振窮之名而無其實也余建斯局亦祇仰體 皇仁推廣德意上酬 聖天子視民如傷

經政略 公署

與制府若保赤子之至意云爾後之莅斯土者尙其鑒  
 予之志更立善規以垂久遠固予之所厚望也夫是爲  
 記 宋陳壽稟覆同治十年署大名道祝奉制府檄督  
 飭各屬舉辦教養事竊留養一節永年原有生息本銀  
 五百兩每二年息融一並地租賦兩計商捐等項移對每  
 歲所入總在五六百千上下從前局設臨洛鎮冬令置  
 備鍋竈柴米分派書役家丁慎重其事前往辦理無如  
 去歲入局者不過數人緣外來乞丐多係年力少強生  
 性散野不肯爲一日兩餐拘束往往局中正用少而枉  
 費多是以積漸廢弛而房屋亦從此傾圮迺因生息無  
 可開銷於是曉諭本地貧民以十月赴署報名盡一歲  
 所入酌量散放一次數十年來習爲固然尙或一朝失  
 望還恐別滋事端現查永年孤貧口糧向發京錢二千  
 五百按之時價每兩尚有贏餘每年亦不下四五百千  
 擬將此項作爲每歲冬令散放貧民之用其留養生息  
 設法規復舊制留養局先修蓋平屋數椽按日散  
 放口糧俟將來就食者衆再行添蓋房屋爲煮粥之計  
 奉各憲批飭准行嗣後知縣王鋪羅慶熙皆因用其制  
 以孤貧贏餘添入冬令散放  
 惟留養舊規一時卒未能復

案孔記云臨洛留養局規制廣於城局據此則郡城  
 亦有留養局相傳在西門外惟廢毀已久基址無攷

曲周縣

縣署在城內東街大堂兩翼左庫樓右幕廳案縣志今  
移建二堂

西前東西吏曹中戒石亭亭前儀門門之東寅賓館後

改建堂西松樹園案縣志今  
改名東房西囿囿所前爲大門上建

譙樓門外東西班房再前照壁大堂後爲二堂爲宅門

宅門內三堂堂北爲內宅西曰花廳廳南北爲幕寮室

房嘉靖三年知縣楊文頌建九年知縣王銳重建後知

縣皇甫沆張鵬翼雷鳴相繼增修舊志



國朝順治十年知縣李時茂重建大門譙樓康熙間知縣

崔湄改建雍正十年知縣張若巖嘉慶間知縣劉澐同

治二年知縣王延桂先後重修

縣志 宋歐重建譙樓 記略嘗考氣運之盛衰

不必在大觀乎一邑而天下統是矣我曲雖蕞爾小邑其堂  
在多觀乎一事而百務統是矣我曲雖蕞爾小邑其堂  
庶嚴整廳幕淵邃又於大門之上建立譙樓聳拔特時  
巍然壯觀有聞更鼓而知政者且於是乎卜之其規模  
固宏遠也無如前此奉命出宰者視縣治若傳舍有傾  
圯而無修葺漫漶零落望而知為頽靡之象識微之士  
恒慮之我侯李公來宰是邑甫下車即問鰥寡撫癯殘  
興學課農百廢具舉乃於政治之暇鳩工庀材修舊補  
敝城池鋪舍煥然一新爰集眾僉謀謂堂之有門戶猶  
人之有元首也元首節而後衣履鮮潔上下相稱  
况縣治之門其關係較他務倍急土木惟舊夙敵惟舊  
因而更新之無狹前人無廢後觀遂經始於二月落成  
於三月二十八日數十年之廢墜而月而舉吏不加督  
民不知勞自非我侯之誠信素著何神以速如是邑人

以為是功不可沒也因援筆記之侯諱時茂別號華生

字蔚芝遼左人而左右贊厥事者邑丞劉君也王延

桂記略咸豐十一年春值東匪張善繼等倡亂前任范

公諱守恒暨捕官倪公諱嘉璘同時力戰捐軀城遂攻

陷匪眾肆行焚掠居民灰燼衙署邱墟蹂躪之慘莫此

為甚經官兵會剿殲厥渠魁餘眾奔潰民志稍安同治

元年壬戌之秋奉檄來守茲土下車周視垣欵棟折心

竊傷之時因烽烟未靖防剿守禦刻無暇晷汔不遑為

重修計且以城垣已盡頹圯難資堵禦當此干戈擾攘

之時尤關緊要因商諸紳耆先行修築並衙署內宅功

未半降眾宋景詩等復叛邊境戒嚴民心驚恐而城工

時作時輟其時余既籌款以計工又復折衝而禦侮有

警則登陴固守稍暇則率作親臨時勢艱虞未敢稍辭

勞瘁如是者年餘城工乃畢漸能安謐修猶未能驟舉

也迨丙寅之歲閭里漸能安謐田疇亦告豐穰於是重  
修之計始決惟需費浩繁思請帑金而軍餉孔殷非體  
恤時艱之道欲資里下而瘡痍未復非誠求民瘼之懷  
力既歎於兼營功則難以偏廢不得已倡捐鶴俸先為  
鳩工間有不敷之費則以向日所存贓罰之款濟之計  
重修戒樓一座大堂三間西書房三間越五月工竣爰

勒諸石以誌其始末云

案縣志大門外有旌善申明二亭今久廢

典史解在縣治儀門西同治六年典史徐鉞增修縣志

陰陽學醫學在縣治東舊志今久未修縣志

僧會司在保寧寺縣志

養濟院在縣治東北雍正十二年建道光二十年知縣

胡啟文重修縣志額養孤貧一百四十七名畿輔通志統計初建房

十二間乾隆五年又增房九間縣冊

留養局在城內東街乾隆間知縣周治輅創建縣志

記略輅奉簡命莅任曲周有北鄉第四疇鄉保稟請已毀三教堂地廿畝壹分零無所歸著隨通詳請助留

養幸蒙批准復恐微資難以廣濟首倡捐銀百兩所屬典史鹽當各商及有力紳衿書役各輸銀兩共計四百六十三兩七分買地壹頃二十肆畝玖分零連故三教堂地共壹頃四十五畝壹分令鄉保舉殷實農民佃種每年按紅簿完納正供外每畝不論豐歉以盈補絀徵銀三錢共四十三兩五錢三分以爲留養米糧柴薪諸費不足再行酌捐通詳在案隨奉大憲批令將坐落四至弓口勒石并造四柱清冊遞次交代以垂永久謹復捐俸購石詳悉刻誌祈後賢令咸留意焉

肥鄉縣

縣署在城內東北大堂左爲庫樓前東西吏曹又前儀門儀門兩翼爲收糧房東快皂房西爲囹圄所前大門上建譙樓尋移建門左東爲社書兵快等房西爲外皂民壯等房再前照壁大堂後宅門內爲二堂爲三堂三

堂左寅賓館右幕寮室北為內宅署右為馬號房册金天

會十年知縣趙秉良建元末燬於兵明洪武三年知縣

韓淑昭重建宏治間知縣錢朝鳳正德間知縣張博古

嘉靖間知縣陳府相繼修葺天啟二年圯於水知縣楊

時晦四年知縣李春英先後建修

國朝康熙元年知縣焦服祖增修四年漳水泛溢寄治舊

店營四十縣志作五十八年知縣王能任復建舊地雍正九

年知縣王建中繼成之舊志乾隆三十四年知縣戴棻同

治五年知縣尋鑾晉六年知縣李鵬展各有修葺縣志光

緒五年知縣虞運華重修房册

典史解在縣治內迺東雍正八年知縣王建中重建歷

任典史相繼重修縣志

陰陽學醫學在縣治東久廢舊志

養濟院在縣治北縣志額養孤貧一百二十九名畿輔通志

道光二十年知縣喬文蔚光緒十三年知縣方俊南十

八年知縣言家駒先後重修院內舊有南北屋三十餘間現存屋並門樓二十三

間册

雞澤縣

縣署在城內大堂兩翼左庫樓右贊政廳前東西吏曹中戒石亭亭前儀門門之西寅賓館西南圍園所又前

經政略 公署

爲大門上建譙樓門左申明亭右彰輝亭大堂北後堂  
 堂西庫房北爲內宅舊志舊在城西南隅金天會間由北  
 臺頭移建元至正間縣尹李林職官表作琳遷於城東北隅  
 明洪武三年知縣沈仁壽始建今地正德十三年知縣  
 車棠嘉靖間知縣唐音常世勳各修葺

國朝康熙元年知縣袁鴻謨五十年知縣管繼武雍正三  
 年知縣郎銘七年知縣黃在中乾隆十二年知縣吳士  
 恒十六年知縣王光燮二十九年知縣王錦林先後重  
 修畿輔通志同治二年二月燬於兵燹迄今未修借租書  
 院爲公署縣志稿

典史廨在縣治迤東光緒十一年知縣孟丕顯籌款典

史孫聿修增修縣志稿監獄所光緒十八年知縣錢錫案

重修房册

陰陽學醫學在縣治南縣志稿

僧會司在會通寺同上

鄉約所十四處一城隍廟一小寨集一北雙塔一城隍  
 村一黃溝村一駙馬寨一慕家堡一浮圖店一焦佐村  
 一臻底村一柏枝寺一東柳下一中馮鄭一吳官營縣志稿

養濟院在縣治東北凡二十一間同上額養孤貧八十三

名畿輔通志

留養局一在北關廂一在三陵村一在浮圖店一在小

寨集今俱圯

同上 乾隆十八年知縣王光燮捐銀二十兩二十二年知縣王錦林捐銀四十兩

鹽當商共捐銀三十兩四鄉民捐銀六十兩共捐存本銀一百五十兩留公營運每年生息銀三十六兩又首報隱糧地畝共納租銀六十二兩入錢零以上銀兩俱入局留養窮民如猝不敷用即於養廉銀內捐給今已無攷

縣志稿

廣平縣

縣署在城內西北隅大堂兩翼左庫樓右贊政廳後改爲庫房前東西吏曹架閣庫中爲戒石亭亭前儀門門之東爲寅賓館舊志今廢南爲申明旌善亭西爲囹圄所前

大門上建譙樓又前照壁大堂北爲後堂再北爲內宅

縣志明洪武二年建正德間知縣顧璘舊志職官孫翹列在宏治朝

嘉靖間知縣李良翰申溪隆慶間知縣張鵬翰萬厯間

知縣陳鑿相繼增修

國朝康熙五十年

舊志作四十二年

知縣華士捷因水圯重建

畿

輔通志同治元年四月燬於兵燹光緒初年知縣何庚生

重修大堂吏曹旋因款絀中止迄未續修暫租舊當舖

爲公署

採訪册 明申溪記略丙辰夏予承乏茲邑既至見官舍庫陋不可棲息嗟異前人相沿至此

可以爲難矣陰有拂衣之志父老覘予衷之不憚也約乘予公出爲撤其甚者葺之予素重興作且慮功未及民而先叢衆怨力止之不可僉曰往賢如某公不需治成而速遷又才如某公亦灰厥初心而過去要皆身之

弗安計之中變也我民望公之來久矣甯不虞公之亟  
 去乎今日舉之將以留公也予喟然曰有是哉君子固  
 不以求安在念亦未有拂鬱其身而能展布其志者夫  
 遠嫌者固陋畏難者積廢獨弗計長吏數遷送迎煩勞  
 夤緣漁獵之弊乎子來之義二子良亦勤矣閱月正  
 寢翼室告完乃迎母就養明年丁巳中堂書室亦成其  
 諸欲圮者以次及之規制不殊而氣勢改觀矣歲積事  
 舉民既諒予之心予亦信民之志壇宇學宮亦漸鼎革  
 財無捐剝力無妨病掌餼者不尅稽程者克敏雖經營  
 於一時而使嗣來者適其心不移其志展其才猷以錫  
 民康孰與襲故守常感感朝夕以求速去者之爲  
 利哉是知興作亦政之不可廢也因記之壁云

典史解在縣治迤西

舊志

同治元年燬於兵燹迄今未修

採訪冊

陰陽學醫學在縣治東南久廢

舊志

僧會司在干佛寺

縣志

養濟院在縣治西南

舊志

康熙十四年署知縣錢天佑重

修額養孤貧七十九名

通志

屋宇今圮

採訪冊案縣舊志

舊養濟院基址甚狹屋宇圮頽嘉靖十年侍御傅公按  
 行畿內移檄修理知縣寇陽迺購民地以拓其基東西  
 廣七丈南北袤十有二丈爲門兩楹額曰養濟院中曰  
 存恤堂環繞而居者三十三楹各一戶一牖嘉靖辛卯  
 工竣勒石以記十五年知縣劉教重加修葺萬曆四年  
 知縣宋昂續修十八年變生同祿十毀三四知縣陳鑿  
 捐俸修復孤貧男婦增至六十餘名嗣後食  
 大糧者五十九名又有候食小糧者二十名

邯鄲縣

縣署在城內東北大堂兩翼左庫樓右贊治廳前東西

吏曹中戒石亭亭前儀門門之東寅賓館西囿囿所

縣志

在儀門內左偏又前大門上建譙樓門東申明亭西旌善亭大

堂北為後堂再北內宅宅西為書室舊志明洪武三年主

簿雷慶建宏治間知縣鄭倫正德間知縣劉維嶽嘉靖

間知縣趙時吉隆慶間知縣高世雨萬厯間知縣蕭察

鄧雲臺崇禎間知縣蕭日蘭先後改葺

國朝乾隆八年知縣鄭方坤增修畿輔通志同治二年燬於

兵燹知縣蔭祿英燦侯國鈞相繼重修縣志册鄭方

以治一邑之政設房為吏舍藏一切卷牘政於是係焉均之不可廢也邯鄲南北孔道政綦繁矣卷牘塵几堆案而堂與東西各房成瓦礫場且不得比於隸人之館此其事誰諉哉有狂夫於此蓬其頭垢其面則眾目為喪心入人之家而塵土糞壤叢雜聽事則謂之不克家今令之堂與六房即人之頭面而家之廳事也顧聽其蓬垢焉塵土糞壤焉可乎乃或者視官為傳舍以為何苦做精疲神作此不急之務抑何弗思甚也郭林宗

處逆旅雖一宿必痛掃除既去後至者莫不知為郭寓天下後世習為美談則傳舍其官者夫亦可以塞其口矣且此而可已何不可已施之眾事委廢頽唐弊有不可勝言者凡皆以傳舍故耳余為此懼慨然捐俸錢鳩工飭材六閱月而成竊思政無鉅細朝廷外寄之督撫大臣督撫大臣復寄之藩臬監司郡守而後下寄之牧令是一邑之政即天子所授之政令以治政坐此堂檢視卷牘行之於吏吏各以其房罷勉供事收藏不謹政由以弛然則最急之務無有踰於今日是舉者也用敢藉手以告無罪焉若夫吾心得失之故生民利害之端綱紀敷施當自有道惟矢其不敢諉之一念苟無至於委廢頽唐斯又幸甚者歟

典史解在縣治內迤東畿輔通志

陰陽學醫學在縣治東南舊志

養濟院在縣治東北舊志額養孤貧一百二十四名畿輔通志

志 舊僅基址同治十一年知縣英燦捐修東西瓦屋十間街門一間

縣志

留養局在南大街路西縣志 舊僅基址同治十一年知

縣英棨捐修東西瓦屋七間街門一間並捐制錢一千串發商生息 同上

成安縣

縣署在城內迤東大堂兩翼左庫樓右贊政廳前東西

吏曹中戒石亭亭前儀門門之東寅賓館西囹圄所又

前為大門上建譙樓大堂北後堂再北為內宅舊志明洪

武三年知縣彭子潤建宏治十四年知縣趙士元嘉靖

十七年知縣章允賢萬厯間知縣劉永脈李三畏案縣志三

畏明萬厯四十年知縣修縣署儀門通志作雍正朝誤今不從崇禎間知縣李宗昉陳

熙各有修建

國朝康熙七年圮於水知縣陳正己王公楷相繼重建雍

正十三年知縣趙元祚增建宅門並二堂額曰思安後

改名保安道光三年知縣趙庭椿重修續縣志 趙元祚思安堂記成

署二堂久圮且無廂房形勢散漫弗束余修而新之兩翼各建三楹大堂後添門一座以謹出入氣為之固題曰思安堂蓋因成安而顧名思義也安之難也自謂己安則必有不安者矣邑雖彈丸不下萬戶士習於浮而無實學則不安民習於惰而無恒業則不安工習於偽商習於欺而以虛僑相往來則不安鼠牙雀角涉於耳而聽斷少偏良苗稂莠淆於目而是非罔辨催科不善而刑罰不中則不安祈寒暑雨之怨咨餒腹凍肌之無告雀影犬聲之竊發擾鋤機杼之或擾以及水旱災傷之偶逢有一於此則皆不安然則坐斯堂也可不思乎思所以噢咻之思所以衽席之思所以變化之思所以薰陶之思朝夕納吾赤子於方寸中而惟恐其不安也



則庶乎成其為安然而難矣可不思乎此堂之所由名歟孫培曾記成邑二堂舊有匾曰思安堂並疏其義而鑄諸屏蓋前邑宰趙公所留也其意以為邑名成安必先思其所以安而後可期其成此亦顧名思義之意也用心善矣予竊更有所見焉夫臨民者知其不安而欲安之則用吾思焉或當通會雜沓之區紀綱不振胥吏為奸風氣多乖豪強竊發以致窮黎嗷嗷求一日之安而不可得或欲改弦而更張之若何振作若何區畫非思之審而何以處之當若成邑素稱彈丸之地習為醕良之風士食舊德農服先疇工守高會之矩矱商遵先哲之軌物即有鰥寡孤獨流離疾苦之人設院立局各止其所凡隸吾宇者日用飲食共樂昇平原有其自然之安無俟為政者思之而後安也其或有不安者何差徭累之科歛苦之追呼之吏相望於閭閻苛刻之令與怨於婦子民其能安乎否耶當此而始閉閣靜思以爲何如則民安其所以安之者尚未得早無解於民之不安矣使莅茲土者靖共爾位恪守官箴清靜居心一遵成憲本分之外凡事之擾吾民者不敢一毫施於下俾民得以時各守其業其相安於無事之天並不知何為不安者之或戕吾生也而民之安已喜形於色矣奚

用思為以是知民自有其安或思之而未必即得不若保之而無使或失故即思安堂而更署之日保安堂余以為思蓋思其所未必然保則保其所固有未然者尚不可必固有者自可相循也或者曰成邑之安焉知非前邑宰思之所留貽乎夫彼既盡其思而安已成矣余惟有保之云爾趙庭椿記略成邑公廨歷任視爲傳舍年久失修遠年文卷均無可攷查縣志於康熙十二年重修內載康熙七年漳水入城公署盡壞經知縣陳正己王公楷先後修建嗣後百五十餘年文獻無徵莫可追溯余自道光二年十月中莅此周視署之前後正廂各房其勢就傾圮者十居六七其尚堪容膝者非內以朽木支危棟即外以碎磚砌敗堵耳蒿萊滿徑極目荒涼且自內達外前後錯雜幾不解其何故余於陰陽家言素未諳習若云地理宜爾何以厯稽各任不皆安守其成且有變出意外者或其不能中正洞達之所致歟余承乏至此當頽敗已極莫可措拄之時因於三年春擇其最為切要之內署正廂各房首先拆卸翻舊添新并將前後移正俾歸一向夏五畢工秋初有派挑永定引河之役在工次者三月有奇差旋後正擬接續拆修四年夏復有接運楚鉛之委五年秋差竣回任六年五

月猝遇瀝水灌城淹浸日久節次停工越數年甫得次第竣事前後左右煥然一新其拆造移建者計間一百一十有八添建者四十有五粘補者四十有五雖竭貲敝神未嘗因此累及閭閻清夜捫心庶亦無媿矣

典史解在縣治大堂西

縣志案舊志在縣署左

陰陽學醫學在縣治東

舊志

明嘉靖元年知縣桂萼建皆

圮於水

縣志

僧會司在圓照寺道會司在迎祥觀皆久廢

同上

養濟院在城東關舊在縣治東北明嘉靖三十八年知

縣劉棟修萬曆三十二年知縣劉永脈重修

國朝康熙十年知縣王公楷補葺後圮光緒十九年知縣

戚朝卿移建今地

縣志參縣冊

額養孤貧三十五名

畿輔通志

留養局在城東關乾隆十七年知縣張楷二十一年知

縣李曰瑞先後倡捐購地

一頃零二畝

收租嘉慶二十一年

知縣李鵠添建房屋道光間傾圮光緒十九年知縣戚

朝卿改為養濟院

縣冊

威縣

縣署在城內西北大堂兩翼左庫房右贊政廳前東西

吏曹中戒石亭亭前儀門門之東寅賓館西囹圄所又

前為大門上建譙樓門左旌善亭右申明亭大堂北為

後堂再北為內宅

舊志

舊為州治元至正十四年州尹王

伯大重修明洪武元年改州為縣成化七年知縣王政

重修嘉靖間知縣方瀾錢尤胡容各有修葺

國朝康熙七年知縣陳永昇二十年知縣李之棟相繼修

光緒十九年知縣張聯恩重修房册元劉謙

通志 畿輔 二日浴水曰井陘浴水禹貢冀州之域商祖乙遷邢即此地也秦漢以來或為郡或為縣廢置不常金號洛水國朝因之自元至元初州治由井陘徙於此卜廳事於乾維之地而創之屬縣如故逮至正庚寅詔汰冗官洛水革去州於是乎親民知威州事王朝列下車顧廳宇狼籍弗堪慨然有葺理志而未暇焉一旦佐治黃河有功而還興學以崇化勸農以敦本均賦役而簡詞訟盜賊有屏息之效常平得敘散之宜至於應辦軍儲罔不周悉為政之餘謂同僚曰公廨傾圮烏足以尊吏治而聳觀瞻修之可乎僉曰可遂捐俸金以為經營費乃同心戮力鳩材計工而民之嚮義者亦樂助焉於是損者完之闕者增之落成有日屬予記之謹以間座名數及所置公用什器詳具於碑陰以為將來者告 吳中彥記略威隸北畿之廣平於元為州明洪武初始改為縣

公廨基址頗宏敞深邃但年久失修風雨幾不蔽矣光緒辛卯歲張令聯恩履任周視惻然張君素精青烏術云此署不但傾圮堪傷前後正廂各房位置尤多失宜爰捐俸購材誼吉興作於大堂後起造二堂就二堂舊址改建上房即於上房東首築土成臺上建惜字庫廬有塔形以應文筆峯移建馬王廟於巽隅正殿三楹廂房六楹東廂後壁洞啟軒窗外開河引水架木為橋雜蒔花木楊柳百餘本不獨公餘憩此可以對枰鼓琴消滌塵襟尤大有利於邑之科第甲午秋闈高生步蟾沙生兆鏞果同榜獲雋為數十年來所未有而文風從此可蒸蒸日上矣余故喜而為之記並貽之以詩高衙重建舊堂基結構翻新自合宜流水小橋通地脈栽花種樹順天時公庭草長閒無訟書舍棋敲靜費思最是安良除劇盜使君威望四鄰馳

典史廨在縣治內迤東

通志 畿輔

陰陽學醫學在縣治東

縣志

僧會司在文殊寺上

養濟院在縣治北舊志明嘉靖間知縣錢朮胡容建縣志額

養孤貧二十七名畿輔通志

留養局在縣城同治十一年知縣溥福光緒三年知縣

孟丕顯先後捐建縣冊

清河縣

縣署在城內正北大堂兩翼左庫樓右幕廳前東西吏

曹中戒石亭亭前儀門門之東寅賓館西囹圄所馬廐

縣志寅賓館無有作門之東內為庫樓為前為大門再

前嚴更樓樓東西申明旌善亭大堂北為後堂再北為

內宅舊志明洪武二年知縣馬駿建宏治七年知縣林瑱

嘉靖三年知縣張濟八年知縣王紘各重修

國朝康熙十二年知縣盧士傑修葺咸豐十一年燬於兵

燹同治十二年知縣王鏞重建縣志參探訪冊

管河縣丞廨在縣東南二十五里油坊鎮疆域圖作三十里 乾

隆元年知縣金昌世建舊志

典史廨在縣治內迤西畿輔通志

陰陽學醫學一在縣治西南一在縣治東南今俱廢縣志

僧會司在隆興寺今廢同上

養濟院在西關外縣志額養孤貧二十八名每歲加支鹽菜米銀二兩

一二錢四分 畿輔通志

磁州

州署在城內西南大堂兩翼東西庫又東延幕廳又西  
謁侯亭前為吏曹中為戒石亭亭前儀門門之東寅賓  
館西吏舍囹圄所又前大門門外申明旌善二亭南為  
照壁大堂北為後堂再北為內宅舊志隋開皇十年建元

末燬於兵明洪武三年知州周敏重建天順間知州李

釗舊志職官作昭增建嘉靖間知州栗永爵重修

國朝康熙二十二年知州任塾三十一年知州康善述四

十三年知州蔣擢相繼增修續州志道光十年地震內外房

間盡圯知州沈旺生修復續州志任塾記略出都城

至磁州則三輔之地已盡而全豫之門戶在焉太行峙  
其西漳河繞其南而賀蘭溢水表裏其間屹然一河北  
之雄鎮也蓋豫居天下腹心為中原都會其規模固不  
與四方同遊覽之士至其境則必拓其心胸高其瞻視  
凡城郭宮室已極崇宏壯麗之想謂如是始足以覽  
方九州之奧區而稱嵩山河洛之鞏固雖於磁為入豫  
之始而莫不以觀豫者觀之苟卑陋淺隘則不獨損山  
川映帶之情而又安足以壯全豫之形勝乎憶丁酉冬  
余同彭子建公車過磁車煩馬殆之餘解驂盤礴相與  
步入郭門觀所為州治見其蕪穢不治竊笑焉彭子曰  
此不足當江南一小邑曷以雄州稱余曰是有待乎余  
來擴而新之彭子曰欲簪筆承明備天子顧問  
之列而就此齷齪外吏哉迄辛酉秋余果從汲令量移  
是州私計曰昔日之言驗矣但二十年來豈無一公而  
忘私之人操畚運斤先余著鞭而尚待余之經營為及  
始至則山川猶昔城郭依然而官署之頽毀秋隘較昔  
更甚余曰嘻是不可緩也於是修葺學宮甫畢卽以其  
餘力及之計日庀工不取公庾一粟不派里甲一夫惟  
捐俸以繼之不數旬而告成門以內左為式周堂所以  
延賓客右為卒隸之房使各有羣聚之處進而為清惠

堂思潔己以撫我嘉師堂之左為屬員公座之解右為首領候謁之亭堂之下為吏舍二十區使其置筆硯有席置文卷有架堂之後為鑒求堂欲求鑒上帝而念民生之不易也自是而進為私宅東日勿拜軒有寓目移情之樂焉西日省齋有退思補過之義焉或憑空而創始或踵事而增華雖不敢曰極崇宏壯麗之致而幸不至於卑陋淺隘貽後人以闕略之憾可以出政可以莅民可以稱河北雄州而為全豫生色矣後之人與余同志弗視為傳舍常勤補葺則滏陽一署經千古而如新豈非山川城郭之幸哉是為記

州判廨在州西彭城鎮

州志 畿輔通志 州城北非是

吏日廨在州治內西偏道光十年地震圮吏目宋廣儀

重建咸豐八年吏目施恩耀重修

續州志

陰陽學醫學一在州治西一在州治東今俱廢

僧正司在大明寺道正司在城隍廟

同上

養濟院在城司前鋪康熙四十六年知州蔣擢重修並

設牌坊一座

州志

額養孤貧三十名

畿輔通志

今圮

採訪冊

棲流所在州治西南彭城鎮

舊志

案州志在鎮西南丁家莊

康熙四

十一年知州蔣擢捐建

州志

今廢

採訪冊

重修廣平府志卷二十三

經政略

建置三

倉儲

廢倉附

永年縣

倚郭

義倉在城內南街同治八年置僅購基址十一年知縣王鏞十二年知縣羅慶熙倡捐經費光緒元年知縣書端建倉廩五座共二十間曰修仁行義崇禮益智彰信倉神祠三間耳房門樓各一間縣志二年知縣夏詒鈺建永豐廩五間竝添設地板十八年添建新廩四間自光緒六年奉文勸諭捐輸現實儲穀五千七百九十九石一斗三升四合實存穀價本利共京錢一萬九千八十

九千二百五十四文

前借給四鄉陳穀一千零六十一石二斗一升六合每斗折錢三百

共折收京錢三千一百八十三千六百四十八於十六年十一月初四日發交鹽當各一千五百千案月六釐生息計至十九年正月月初四日止實得息京錢四百八十六千餘一百八十三千零交紳董收存又前收出糶穀價京錢一萬一千一百九十九千零四十四於十五年十二月初十日發交鹽當並殷實各鋪戶收領案月六釐生息計至十九年正月月初十日止實得息京錢二千六百二十千零五百六十六又前餘積積穀成成本六百千並紳董公捐二百千共京錢八百千於十一年正月月初一日發交鹽商三百千當商五百千案月一分生息計至十九年正月月底實得息錢八百千房册長啟記略郡城故有義倉在南門內舊志所謂新倉者是也戊辰法國人乞租地建堂前守令以倉地租給改為天主堂郡城義倉遂廢永邑衿民因此舉之謬也聯名請復適余來典斯邦為之請於前制軍曾文正公當飭前令捐錢一千五百緡發交明經高君甲孝廉傳君襄購得南大街道西民宅擬為改建倉廩之用因循數年無貨未能修復嗣經王令鏞捐錢一千緡羅令慶熙捐錢

六百九十餘緡並延參軍楊少尉羅督工高君甲暨六品銜焦君清吉董其事未及興工羅君捐館書君端來尹是邑於乙亥春庀材鳩工兩閱月而工畢凡建西倉廩五間臨街房六間耳房一間羣房十三間並牆垣修補一律完固倉板亦添置齊備余樂觀厥成因記其顛末如此然余猶有望於後之茲斯土者與紳民不在義倉之復建而在輕財尚義務使倉有餘粟以備凶荒也是為記高甲條規議洪範三八政一曰食孔子論政首曰足食則食者民之天也賈誼疏云不幸有二三千里之旱國胡以相卹倉卒邊境有急數十百萬之眾又胡以餽之欲政成民洽是非有圖乏於盈救置於豐之良謀不可此歷代社穀義倉之設所由來也我朝康熙間大學士張公伯行直隸巡撫李公光地都御史朱公軾先後疏請建立義倉雍正元年湖廣總督楊公宗仁又疏言勸捐穀本出納聽民自主不許官吏會計侵肥竝立獎掖尚義之典今吾永夏范卿縣侯捐集義穀責成紳董辦法頗與楊公合竊以為經始之難固在勸捐穀本而義穀出倉之難猶恐積久弊生不有條規恐無以善後爰會商諸同人妥酌規例數則務使不傷官不勞民可以垂諸久遠因請質之范卿夏侯侯曰可遂



條列如左 一遵照兩江總督范公承勳疏將捐集倉穀於每歲青黃不接米貴時以七分存倉備賑三分平糶秋後仍以糶銀買穀還倉遞年出陳易新庶不致多有糜爛 一遵照耿壽昌常平倉法穀賤時增價而糶以利農穀貴時減價而糶以利民不但穀本無傷行之久且可獲餘利以積穀 一前借給四鄉陳穀折價及前收出糶穀價餘積積穀成本並紳董公捐之款共錢若干分發鹽當各殷實鋪戶承領宜取有領狀附卷以為憑證 一各項息錢案歲一週由經管紳董收取俟積有一千即作為成本臨時仍酌發殷實鋪戶承領庶子母相繼源源不絕 一儲存倉穀並發商穀價生息等錢均歸紳董經理不假官吏之手既係民捐尤不准私行提用至管倉之戶必擇公正人司其事免其徭役無庸另給薪水但知人非易責令城鄉富紳公舉儻查有弊竇除責罰本人賠補外並責罰保舉者如此方可免濫舉之病 一各節既遵照條規辦理而每年出糶若干石收買若干石實存穀本若干石實收利息若干年終由紳董取造清冊報官官報司可以備稽核庶前人之良法美意不致積久弊生

常平倉在縣署東北即豫備倉舊有廩三十八間通志作三十

間康熙間知縣朱世緯建原儲穀一萬八千石全數動

用嘉慶五年圮通志參縣志

新倉在馬家營北雍正八年知縣侯可大建嘉慶二十

年知縣袁俊改建南大街與舊倉相連共廩三十間儲

穀四千九百三十九石咸豐四年全數動用同治八年

知縣王庶會將倉基租給法國改為教堂遂廢同上

永豐倉在府治東北廩二座九間久廢舊志

臨洛關倉在北門內知縣張可久建順治十年改為防

兵營房今廢畿輔通志

臨洛關軍需倉在西街察院西今廢同

四鄉義倉共十一處東大由辛莊堡牛加堡南閻村周

村八汪大北汪曲陌劉營北劉固臨洛鎮各三間嘉慶

二十年奉文修復因倉座盡圯遂廢同

曲周縣

義倉在西門內廩十五間嘉慶二十年知縣劉澐建道

光十二年知縣傅以訥增建十間咸豐十一年東匪焚

毀縣志同治十一年知縣吳光鼎重建廩十間畿輔通志光

緒六年奉文勸捐現存穀價本利共京錢三萬一千九

百三十千八百六十六文原發紳商穀價共京錢二萬八千四百二十四千四百五

十八案月或一分或四釐生息不等計至十九年正月

止原收利息共京錢一萬五千六百六十六千一百三

十六文除借放賑災藩庫提解外實存利息京錢三千

五百零六千四百一十二文房册傳以訥記略曲

邑義倉始則建立四鄉分為八區日久傾圮均成廢址

嘉慶二十年前縣劉奉宮保那公札飭重建詳請移設

城內亦立四廩計間十八道光六年余授斯邑迄今五

載勸捐粟穀之數多籌計倉廩之間少七年添造四間

九年添造三間共二十五間恐久朽塌必須歲修於是

倡捐銀五十兩勸捐銀二百兩共得銀二百五十兩即

於九年六月發商生息當取該商圖記領狀詳明存案

以為歲修經費至於新舊穀數共捐有九千一百八十

一石五斗二升二合茲又奉文修建勸捐闔邑士民無

不踴躍輸將僉稱四五年來歲豐時稔倉廩添建既多

粟穀捐儲亦滿皆出宮保那公忠貞體國造福蒼赤感

應天心之所至耳是為記吳光鼎記略曲邑舊有社

倉在滏陽集安兒寨等村各一嘉慶年間前縣令移設

西城改名義倉而四鄉之倉遂廢咸豐辛酉復燬於兵  
而城內之倉亦廢余奉檄權是邦大憲諭以建倉積穀  
為首務履任後爰與秉鐸吳君文濬張君錫三少尉徐

君鉞商辦博稽於眾命曰俞哉其案畝計捐便資既集  
剋日鳩工卽其舊址建倉廩十間倉廳三間門樓三間  
邀邑紳張君好賢秦君棟劉君清平趙君銓主其事閱  
三月而告成餘資易穀歸倉九年之蓄於是乎始然愚  
意以爲建於城又必分建於鄉近鄉則稽查易周支給  
亦徧厥利尤溥善乎陶文毅公之言曰民以食爲本事  
惟豫則立以一鄉濟一鄉之眾不患其不均以數歲救  
一歲之荒不患其不給可大可久無窮匱也愚有志而  
未逮後之君子必將  
推而行之是爲記

常平倉在西門內卽豫備倉舊廩十二間原儲穀一萬  
八千石雍正九年增建四十五間改名常平成豐十一

年東匪焚毀

畿輔通志參縣志

貯命倉在太僕寺東知縣喬明旃建久廢

縣志

耕餘倉在縣治前知縣王象恆建久廢

同上

社倉五所一在濠陽集一在安兒寨一在河南疇一在

侯村一在香城固乾隆十二年知縣勞宗發各增建廩

三間

畿輔通志

今俱圯

採訪冊

四鄉義倉共八處大寨香城固槐橋安兒寨侯村濠陽

集第四疇河南疇

畿輔通志

今俱圯

採訪冊

肥鄉縣

義倉在城內西街廩十七間旁附二間嘉慶二十一年

知縣姜人烈建道光八年知縣查揆復加完整知縣汪

玉海續捐積穀竝籌歲修經費

據碑記補

後俱廢光緒六年

奉文勸諭捐輸

採訪冊

現實儲穀六千七百五十石四斗

六合實存穀價本利共京錢一萬四百四十三千二百  
八十八文原穀六千七百五十石零以城內倉廩尚未  
修復暫交四鄉各倉正收存具有領狀附卷  
穀價原本京錢九千一百零七千七百八十分發各  
商案月一分生息計至十九年正月止共收利息京錢  
一千三百三十五千五百零八文房册 汪玉海記  
略查肥邑義倉舊址公置各鄉自嘉慶二十一年飭修  
時前縣姜始移建城內之西街共倉廩十七間旁附二  
間道光八年經前縣查復加完整足副積儲計舊貯穀  
五千五百九十三石九斗疊奉委員清查如額靡缺余  
本年蒞任後倡率士民續捐穀三百三十四石共貯穀  
五千九百二十七石九斗此實儲之數也其歲修經費  
積有制錢六百千發高豐興典存息自九年四月為始  
歲可得息錢七十二千值興修時即由倉正副計工核  
銷無事假手書吏立法寢密積弊別釐踵而行之雖俟  
諸百世可也然稍存玩視姦蠹旋生猶願善繼者知創  
復之艱共仰體聖天子惠育黎元之意恪遵宮保  
那公保民如赤計深且遠之謨勿弛勿侵用資蓄禦而  
士民之服先疇食舊德者當屢豐既綏其力易集尚克

源源輸將赴義同聲庶鄉舉任卹之行邑登康樂之書  
子孫永保不亦休乎余幸茲土沃風醱不能無厚望爰  
誌其經始俾勒諸  
石以勿忘善政云

常平倉舊在城西南隅文殊寺西即豫備倉廩十七間  
康熙間知縣王能任捐建原儲穀一萬八千石雍正間  
知縣王建中復於東街舊署建廩三十一間今俱湮沒

舊縣志兼  
採訪册

舊義倉在豫備倉東明隆慶間知縣李棡建久廢縣志

四鄉義倉共十一處毛演堡辛安鎮明知縣李棡建後

增置舊店營東章堡劉寨營天臺山西韓集劉家莊屯

莊營崇明寨孟家莊各一縣志今俱圯採訪册

雞澤縣

義倉在縣治後常平倉內本舊豫備倉地廢二十間雍

正十二年知縣景一元重修原儲穀一萬四千石輔通

志後圯廢光緒六年知縣禡文懷奉文勸捐義穀重建

倉廩九間縣志儲穀二千二百九十四石八斗九升縣志

作二千二百八十七石光緒十一年知縣吳壽坤因民間青黃不

接全數借貸迄今未還房

豫備倉在縣治後廩二十八間舊志久廢採訪

舊義倉二一在浮圖店一在小寨堡舊志明萬厯間知縣

曹孔榮重修據碑久廢記補

國朝乾隆十四年知縣吳士恆重建廩各三間今又廢縣志

稿明賈熙載記略余邑西浮圖店南小寨堡俱號巨  
鎮舊有社倉貯穀第以取支匪人貧者未必領領者未  
必貧至秋又有以實出以虛入者行日久姦日滋遂使  
社倉寄空名於民命無裨也誰司民牧乃不咎罪匪人  
第曰社倉之不足為民天也如此以故牆垣圯壞廩舍  
空虛民不堪命有識者傷之我邑侯曹公浙之偉人也  
甫下車卽痛心民瘼聞二倉廢弛迺新墻垣葺廩舍查  
二倉侵地竝隙地幾何令佃戶計畝納穀鄉義士聞風  
助穀恐後仍簡舉良民以掌出納春出陳秋償以新酌  
歲豐歉以為取數多寡儻豐年則息其二小祲則收其  
本大祲則收本穀之半遇年荒則盡  
蠲本穀而不償懿哉法良而意美矣

吳官營義倉乾隆十七年知縣王光燮建廩三間今廢

同上

廣平縣

義倉二一在西關外書院後道光間知縣王燕堂建一

在城內關帝廟西光緒初年知縣何庚生建六年奉文

勸捐積穀採訪現實儲穀三千八百四十九石九斗二

合西關舊倉儲穀一千九百二十石城內新倉

常平倉在縣署儀門內迤西即豫備倉廩九間原儲穀

一萬石雍正八年添建廩二十三間舊志參今廢採訪

舊義倉在儒學西明萬厯間知縣王整重修縣志久廢採訪

冊

四鄉義倉共四處平固村孟固村寺郎固雙廟畿輔

今俱廢採訪

### 邯鄲縣

義倉在大街廟道口常平倉內舊廩三十四間豐豫字

咸泰恆益顯萃原儲穀一萬四千石雍正九年知縣鄭

方坤建畿輔通志後穀全數動用廩多傾圮採訪光緒

六年奉文勸捐積穀知縣何雲誥即舊址重修倉廩九

間現實儲穀五千三百四十八石八斗四升一合升字

一千八百三十四石七斗八升八合節字廩儲一千七

百七十六石二斗一升三合萃字廩儲一千七百三十

七石八斗四升房冊豫備倉在縣署儀門內廩六間雍正間知縣鄭方坤重

修今廢縣志

新倉在後察院廩九間雍正間知縣鄭方坤建今廢同上

備荒倉在城隍廟內久廢畿輔通志

舊義倉在縣治西南大街廩九間倉神祠三間乾隆間

制軍方公奏建今圯縣志稿

四鄉義倉共七處軍師堡河沙堡張莊橋白塚牛叫河

叢塚呂固今俱僅存基址同上

### 成安縣

義倉在縣治西舊豫備倉東廩三十六間道光七年知

縣趙庭椿勸諭衿民捐建續縣志年久傾圯光緒六年知

縣蘇殿華奉文勸捐積穀即舊址重修倉廩三十間縣志

現實儲穀一百二十二石四升八合實存穀價本利共

京錢二萬五千一百九十五千五百九十文一糶收義

千三百五十二千三百八十八於光緒十五年九月發

交義生常案月一分生息計至十九年正月月底止共得

息錢五百八十一千四百九十六捐收積穀折價京錢

八百千發交當商生息由紳董收取作為義倉歲修並

倉夫工食等費一收出借義穀三宗折價共京錢一

萬九千零六千零二百七十四文發交當商案月六

釐生息計至光緒十九年正月月底止共得息京錢三千

四百零一千四百三十二文房冊蘇殿華記略城

西北隅設有常義二倉自前邑宰趙公庭椿修葺後迄

今五十餘年矣兩倉穀石無存倉廩亦俱塌陷余於光

緒二年冬杪選授邑篆蒞任日察看舊基規模頗為宏

廠擬即興修奈工程較鉅事遂寢三年夏天氣亢旱大

田枯萎民饑甚稟奉各憲籌撥庫項並領回前邑宰繳

存常平倉穀價銀兩及勸捐糶項囑各紳領作糶

力交瘁若使倉有餘粟官民亦有恃無患於是修倉儲粟之念更不能一日祛諸懷抱間也然二事並舉恐力有未逮幸四年民獲有秋五年歲稱大有時藩憲任公洞悉南郡民情議勸捐助積穀成安派穀四千石奉文與各紳商訂城關四鄉每畝捐穀一升四鄉各村莊寨堡共捐交倉斗穀四千石城關共捐交倉斗穀四百三十一石各紳稟商於余擬將城關捐穀折交穀價共核京錢一千四百八十二千四百文作為今日修倉工料費用並將歸存原領常平倉穀價銀八百十六兩二錢乘時買還倉斗淨穀八百十六石二斗又鹽當錢店板店四商響風募義共奏捐工料京錢一千五百千文余因錢項已備即囑各紳鳩工庀材擇日於原址修建坐北向南義倉一座大門三間北官廳三間廳左右設北廡各一座每廡三間院內東西四廡每廡六間共新修甃瓦房三十六間圍牆甃砌風道水溝各如舊式工竣將捐穀倉斗四千石分存東西兩廡撥存土穀一百四十石鼠耗穀一百八十四石又各紳所存豫防盤量不敷借用穀一千八百零三石二斗均收入東西兩廡並東北廡同各紳驗收封鎖又買還常平倉穀八百十六石二斗暫寄廳旁西北廡交倉書等收存封鎖今奉檄

調任特誌巔末以勒諸石所有餘項生息作為歲修並各項穀數均附錄刊後是為記

常平新倉在舊豫備倉東八蜡廟故址廡七十一間道

光七年知縣趙庭椿建

續縣志 今圯 房册 趙庭椿記略

也成安常平倉舊矣雍正元年經前任王公文昇建修迄今已逾百年余於道光二年冬茲查有廡十六座房八十四間其坍塌者半餘皆欹斜傾側岌岌欲圯每逢陰雨傳匠補漏竟無已時蓋地本鹹鹼而又在城北最窪之處茲此者又以其非所時至失於修葺而倉儲遂因之霉變增折耗焉余亟擬詳修而公署之傾敗更甚於此又不得不先其所切近者六年五月十三日驟雨如注四野渥霑是時久旱之後方以為慶次日黎明突有瀝水自西南來乘城而入勢若建瓴當率丁役民夫分頭搶護甫將水頭頂逼入壕而大溜直趨城北其頂沖登時塌陷并將迤西嘉慶二十年前任花公廉珮勸諭紳民捐建義倉十二間一併傾圮而常平倉儲穀一萬餘石義倉儲穀五千餘石皆沒於水急僱集民



夫將倉儲乾溼各穀設法盤搶乾者暫借高房分儲溼者暫搬城外曬涼又豫賃空場築圈露固水退之後四鄉穀價翔貴農民艱食余請於上官將受潮穀四千五百餘石出借以甦民困奉准是秋收成豐稔即將受潮穀變價及賑捐穀石乘時買補足額並將出借穀石徵還又思借儲民房築圈露固均非久計必須將倉廠擇地建造以資收儲勘得舊倉迤東有入蜡廟一座地勢高廠因移入蜡廟於城隍廟東移建常義兩倉於此義倉開工於七年二月二十一日迄四月二十八日工竣常平倉開工於六月初五日迄八年正月二十日工竣所有倉基半係填高甃牆之在地下者各五尺餘灌以灰漿每間各以新甃鋪滿以隔潮濕蓋有鑿於六年五月之事故也統共建常義兩倉一百零七間常平倉之費則請借帑銀二千兩至義倉仍勸輸士民蓋循舊例云

豫備倉在縣治西北廩三十一間明正統五年知縣劉亨建嘉靖元年知縣桂萼修九年縣丞陳蓋增建廩十

二間萬曆十年知縣柏正增建廩十間三十二年知縣劉永脈補葺竝建義倉社倉三十一所

國朝康熙九年知縣王公楷重修縣志今俱廢

常平舊倉一在縣署內廩九間原儲穀一萬四千石康

熙五十四年知縣馬晃建一在圓照寺東廩五十七間

雍正元年知縣王文昇建六年知縣朱竟成增建廩十

二間九年知縣韓亮增建廩二十五間今俱廢續縣志

四鄉義倉共四處漳河集鄭家莊北郎堡宋村今俱廢

畿輔通志

威縣

義倉在縣治前舊有北廩五間年久傾圮光緒六年奉

文勸捐積穀知縣溥福捐廉重修七年知縣年慶繼修

十三年知縣梅啟善建南廩五間現實儲穀五千二百

七十八石四斗三升四合實存穀價本利共制錢九千

五百二十千發交商人制錢六千五百千案月一分生息餘錢三千零二十千發交紳董並盧玉

堂鋪暫存均具有領狀附卷房册

常平倉在縣治南即舊豫備倉廩二十四間雍正九年

新建廩十四間舊志原儲穀一萬四千石畿輔通志全數動

用倉亦久廢採訪册

四鄉義倉共八處第十營方家營邵固堡南里村章華

堡七級村經政堡紅龍集畿輔通志今俱廢採訪册

清河縣

義倉在城東街常平倉內舊有廩十間儲穀一萬石全

數動用同治十一年知縣王鏞重修光緒六年知縣王

本圻奉文勸輸義穀五千石存倉縣志現實儲穀二千石

房册

豫備倉在縣署內東隅久廢畿輔通志一在縣治東舊廩

四十一間雍正九年新建廩二十間舊志今圮採訪册

社倉久廢縣志

四鄉義倉共三處連塚集謝鑪集四家務今俱廢同上

磁州

義倉在常平倉內光緒六年奉文勸捐義穀知州張寶

善卽常平倉舊廩重修五十間原捐穀八千七百石

三十六共捐穀七千二百石現儲穀九千六百六十石

缸碗審捐穀一千五百石

歲修經費發商生息

彭城新義倉在州西彭城鎮光緒六年知州張寶善勸

捐缸碗審義穀卽舊基重建廩座現實儲穀一千二百

七十三石

常平倉在州治西卽東察院舊址建廩十六間康熙三

十二年知州康善述重修三十三年增建廩二十間雍

正五年知州金上玉增建廩五間原儲穀二萬五千石

穀五百石又勸諭四鄉共捐穀五千餘石道光十年地

震散放罄盡

豫備倉在州治東北廩八十五間明嘉靖四十四年知

州栗永爵增建改三十餘間久廢

案舊志雍正八年知州萬承勳於州治東北豫備倉

建廩十五間考舊州志續州志均未載附記於此

永盈倉在州治北觀音堂鋪廩五十餘間明正德十二

年知州張珂建久廢

重修廣平府志

社倉在高輿鎮久廢同上

本城義倉在春秋閣廟外嘉慶二十一年知州何道榜

創建道光十年地震盡圮續州志

四鄉義倉共九處東城營一日胡家莊東玉曹北白道漳村

彭城鎮路村營北賈壁峯峯村南城村乾隆十八年奉

文捐建今俱廢同上

